

杜
工
部
集

杜工部集卷之十六

虞山蒙叟錢謙益箋註

近體詩九十七首

居夔州作

宗武生日

小子何時見高秋此日生自從都邑語已伴一作律老夫

名詩是吾家事人傳世上情熟精文選理休覓綠衣

輕凋瘵筵初秩歌斜坐不成流霞分一作飛片片一作飛涓滴

就徐傾吳若本注宗武小名興子曾有詩驥子好男兒

又示宗武

覓句新知律攤書解滿牀試吟青玉案莫美一作帶紫羅

囊假古雅切日從時飲明年共我長應須飽經術已似愛

文章十五男兒志三千弟子行曾參與游夏達者得

升堂

紫囊

晉志八坐尚書荷紫以生紫為粉囊顧之服外加于左肩昔周公負成王制此服至今以為朝服

假日

登樓賦聊假日

以銷夏賈逵國語注曰暇開也暇或作假

熟食日示宗文宗武

消渴游江漢驕樓尚甲兵幾年逢熟食萬里逼清明

松柏

一作

山路風花白帝城汝曹催我老廻首淚縱

橫

邛山

元和郡國志邛州南接邛來山因以為名十道志邛山在僊師縣北二里子美先塋在洛故有是句

又示兩兒

詩合看真見至情

令節成吾老他時見汝心平生看物變為恨與年深

長葛難得江州涕不禁
圖思弟妹行坐白頭吟

長葛

元和郡國志本漢長杜縣地置長葛縣屬許州

社日兩篇

九農

一作登

成德業百祀發光輝
報効神如在馨香舊不

違南翁巴曲醉北雁塞聲微
尚想東方朔恢諧割肉

歸

社日

西溪叢語此詩誤諧割肉社日用伏日事蘇黃皆以爲誤史記年表秦德公二年始作伏祠社乃同日至漢方有春秋二社與伏分也

九農

蔡邕獨斷先農者蓋神農之神至少昊之世置九農之官

陳平亦分肉太史竟論功
今日江南老他時渭北

一作水

童歡娛看絕塞涕淚落秋風
鴛鴦迴金闕誰憐病峽

中

九日五首 開一首

重陽獨酌

云少飲

盃中酒抱病起

一作獨又作豈

登江上臺竹葉於

人既無分菊花從此不須開殊方日落玄猿哭舊國

霜前白雁來弟妹蕭條各何往干戈衰謝兩相催

竹葉

張協七命乃有荆南烏程護北竹葉張華輕薄篇蒼梧竹葉清宜城九醞酒

白雁

古今詩話北方白雁秋深乃來來則

霜降謂之霜信

舊日重陽日傳盃不放盃即今蓬鬢改但愧菊花開

北關心長戀西江首獨迴菜萸一作芳賜朝士難得一枝

來

舊與蘇司業兼隨鄭廣文不花香泛泛云廣文坐客醉

紛紛野樹歌

一作歌

還倚秋砧一作砧却聞歡娛兩冥莫西北

有孤雲

故里樊川菊登高素澹源他時一笑一作後今日幾人

存巫峽蟠江路終南對國門繫舟身萬里伏枕淚雙

痕為客裁烏帽從兒具綠尊佳辰對一作羣盜愁絕更

誰一作論

素澹

游城南記長安志云少陵原南接終南山北直澹水今為年縣有洪固鄉司馬村在長安城之東南少陵在村之東北則澹水在東非在北矣少陵東接風涼原澹水出焉東北對白鹿原那谷水出焉二水合流入渭杜詩所謂登高素澹源是也少陵之東闕下即澹水之西岸

九日

二云登高

諸人集于林

九日明朝是相要舊俗非老翁難早出賢客幸知歸

舊采黃花賸新梳白髮微漫看年少樂忍淚已霑衣

大曆二年九月三十日

爲客無時了悲秋向夕終瘴餘夔子國霜薄楚王宮
草敵虛嵐翠花禁冷葉一作葉紅年年小搖落不與故園
同

十月一日

有瘴非全歇爲冬亦不一作不難夜郎溪日暖白帝峽風
寒蒸裹如千室焦糟一作糖寺一杆茲辰南國重舊俗自
相歡

夜郎

水經注溫水出牂牁夜郎縣故使臨侯國也前書夜郎縣有遼水東至廣鬱

蒸裹

神民要術裹蒸生魚方七十准又云

五寸作鼓汁煮秫米如蒸熊生糞桶皮胡芹小蒜鹽細切熬糲膏油塗第十字裹之繫在上復以糲屈脯以系之

孟冬

殊俗還多事方冬變所爲破甘一作瓜霜落爪嘗稻雪翻

匙巫峽

吳作

寒都薄烏

蠻

作黔

瘴遠隨

終然滅

難嶺

喜息蛟螭

冬至

年年至日長爲客忽忽窮愁泥殺人江上形容吾獨

老天邊

一作

風俗自相親杖藜雪後臨丹壑鳴玉

明主朝

來散紫宸心折此時無一寸路逃何處見

一作

三秦

小至

天時人事日相催冬至陽生春又來刺繡五紋

一作添

弱線吹葭六琯動浮灰岸容待臘將舒柳山意衝寒

欲放

一作

梅雲物不殊鄉國異教兒且覆掌中杯

小至

唐會要開元八年中書門下奏開元新格冬至日祀園丘遂用小
冬日視朝按小冬日即小至也邵寶曰小至謂至前一日如小寒

食之類
添線
海錄歲時記晉魏閭宮中以紅線量日影冬至後日添長一線而杜詩云刺繡五枝添弱線魯直詩官線添尺餘未知孰

是舊法引唐雜錄唐宮中以女功按日之長
掌中杯
舊註引覆杯也及禮記覆醢為

短冬至後日晷漸長比常日增一線之功
解偶觀李太白宴北湖詩云感此勸一觴願君覆瓿壺桑盛當作樂無令

覽物
草堂作峽中覽物

曾為椽吏趨三輔憶在潼關詩興多巫峽忽知瞻華

岳蜀江猶似見黃河舟中得病移衾枕洞口經春長

薜蘿形勝有餘風土惡幾時迴首一高歌

憶鄭南珣

鄭南伏毒寺一作守蕭灑到江心石影銜珠閣泉聲帶玉

琴風杉曾曙倚雲嶠憶春臨萬里滄浪一作外龍蛇只

自深

鄭南

寺名伏毒在華州鄭南縣劉禹錫別集云舅氏牧華州前後由草觀謁陪登伏毒寺曾題詩于梁今興馬湖南望三峰浩然生思寄

詩云曾作關中客頗經伏毒

此吳若本注此疑作此音此玉色鮮紫也

懷灞上游

悵望東陵道平生灞上游春濃停野騎夜宿敞雲樓
離別人誰在經過老自休眼前今古意江漢一歸舟

愁

強戲爲吳體

江草日日喚愁生

一作春

峽泠泠非世情盤渦鸞浴底

心性獨樹花發自分明十年戎馬暗萬國異域賓客

老孤城渭水秦山得見否人今罷病虎縱橫

虎縱橫

張璠曰虎縱橫謂暴飲也時京兆用第五琦什一稅法民多流亡

二月饒睡昏昏然不獨夜短晝分眠桃花氣暖眼自
醉春渚日落夢相牽故鄉門巷荆棘底中原君臣豺
虎邊安得務農息戰鬪普天無吏橫索錢

覽鏡呈柏中丞

渭水流關內終南在日邊
瞻銷林虎窟淚入囚囚天
起晚堪從事行遲更學覺仙
鏡中衰謝色萬一故人
憐

學仙

更學仙言步履遲緩更可
以學仙乎正衰謝之意也

卽事

幕春三月巫峽長
晶晶行雲浮一作無日光
雷聲忽送千
峰雨花氣渾如百和香
黃鶯過水翻翅去燕子銜泥

濕不妨飛閣捲簾圖畫裏虛無只少對瀟湘

百和香

古詩博山爐中百和香鬱金蘇合及都梁

卽事

一云天畔

天畔羣山孤草亭江中風浪雨冥冥一雙白魚不受釣三寸黃甘猶自青多病馬卿無日起窮途阮籍幾時醒未聞細柳散金甲腸斷秦川一作州流濁涇

悶

瘴癘浮三蜀風雲暗百蠻卷簾唯白水隱几亦青山猿捷長難見鷗輕故不還無錢從滯客有鏡巧催顏戲作俳諧體遣悶二首

異俗可吁怪斯人難並居家家養烏鬼頓頓食黃魚

舊識能

一作難

為態新知已暗疎治生且耕鑿只有不開

一作開渠

鳥鬼

邵伯溫聞見錄夔峽之人歲正月十百為曹設牲酒于田間已而

為厲用以禳之沈存中疑少陵詩所自也疏詩者乃以鷓鴣別名鳥鬼子

往來夔峽間問其人如存中之言鷓鴣亦無別名漫叟詩話云與國軍太

守楊門臣云川人嗜猪肉家家養猪每呼猪作鳥鬼聲故謂之鳥鬼沈存

中筆談士人劉克博觀異書按夔州圖經稱峽中人以鷓鴣捕魚謂之鳥

鬼冷齋夜話川峽路民多供事鳥蠻鬼故云鳥鬼蔡寬夫詩話云元微之

江陵詩病賽鳥弄鬼年占九代通注云南人染病則賽鳥鬼楚巫列肆悉

賣龜卜則鳥鬼之名自見于此巴楚間常有殺人祭鬼者曰鳥野七頭神

則鳥鬼乃所事神名鷓鴣鷓鴣決非鳥鬼當從元注也演繁露元微之嘗投

簡陽明洞有詩云鄉味猶珍蛤家神愛事鳥乃知唐俗真有鳥鬼也又國

鬼報讐之異唐俗以鳥為

神祠而事之有自來矣

頓頓

吳曾漫錄頓字亦有所本晉謝僕射陶

黃魚

夢弼曰公詩云日見巴東峽黃魚出浪新峽中黃魚大者至數百

斤小者亦數十斤豈鷓鴣之所能捕哉以鳥鬼為鷓鴣其誤甚矣

西歷青羌板

一作坂

南留白帝城於菟

一作菟

侵客恨粒粒作

人情死卜傳神語畚出費火聲耕一作是非何處定高枕

笑浮生

頃歲自秦涉龍從同谷縣出游蜀留滯于巫山也

青羗坂

水經注青衣縣故有青衣羗國也竹書紀年梁惠成王十年服陽人自秦道岷山青衣水來歸縣有蒙山青衣所發華陽國志

天漢四年罷沈黎置兩郡都尉一治旄牛主外羗一治青衣主漢民

拒枚

招魂拒枚蜜餌有餽餽此補注拒枚蜜餌也吳謂之膏環餌粉

餅也拒音巨枚音女又音汝

得舍弟觀書自中都已達江陵今茲暮春月末行李合到夔州悲喜相兼團圓可待賦詩卽事

情見乎詞

兩到

晉作過

江陵府何時到峽州亂離生有別聚集病應

瘳颯颯開啼眼朝朝上水樓老身須付託白骨更何

憂

喜觀卽到復題短篇二首

巫峽千山暗。終南萬里春。病中吾見弟。書到汝爲人。
意一作竟答兒童問。來經戰伐新。泊船悲喜後。欸欸話一作議歸秦。

待爾嗔烏鵲。拋書示鵲鴒。枝間喜不去。原上急曾經。
江閣嫌津柳。風帆數驛亭。應論十年事。愁一作愁絕始明星。

烏鵲

西京雜記陸賈曰
鵲鵲鵲而行人至

舍弟觀歸藍田迎新婦送示兩篇

汝去迎妻子。高秋念却迴。卽今螢已亂。好與雁同來。
東望西江水。一作亦南遊北戶開。卜居期靜處。會有故人

杯

北戶

爾雅觚竹北戶注觚竹在北北戶在南疏北戶即日南郡是也吳都賦開北戶以向日

楚塞難爲路

別一作

藍田莫滯留衣裳判白露鞍馬信清

秋滿峽重江水開帆八月舟此時同一醉應在仲宣

樓

第五弟豐獨在江左近三四載寂無消息覓使

寄此二首

亂後嗟吾在羈棲見汝難草黃騏驎病沙晚一作鵲鵲

寒楚設關城險吳吞水府寬十年朝夕淚衣袖不曾

乾

聞汝依山寺杭州定越州風塵淹別日江漢失一作共清

秋影著啼猿樹。魂飄結蜃樓。明年下春水。東盡白雲

求一作遊

啼猿樹

盧照隣巫山高云莫辨啼猿樹

蜃樓

天宮書海旁蜃氣象樓臺廣野氣成宮闕

舍弟觀赴藍田取妻子到江陵喜寄三首

汝迎妻子達荊州。消息真傳解我憂。鴻雁影來連峽內。鷓鴣飛急到沙頭。曉關險路今虛遠。禹鑿寒江正穩流。朱紱卽當隨綵鷁。青春不假報黃牛。

沙頭

方輿勝覽沙頭市去江陵十五里元稹詩聞咽沙頭市玲瓏竹岸總

曉關

曉關卽藍田關其路有七盤十二緝

穩流

峽江冬寒水落其流穩也

馬度

一作秦關

秦關

一作雪

雪正深。北來肌骨苦寒侵。他鄉就我

生春色。故國移居見客心。剩欲

一作歡

提攜如意舞。喜多

行坐白頭吟。巡簷索共一作近梅花笑。冷蕊一作落疎枝半不

禁

如意

王戎好作如意舞

庾信羅含俱有宅。春來秋去作誰家。短牆若在從殘草。喬木如存可假花。卜築應同蔣詡徑。爲園須似邵平瓜。比年一作因病一作斷酒開涓滴弟。勸兄酬何怨嗟。

庾信

九域志宋土宅庾信所居

羅含

羅含傳含爲荊州別駕以解舍喧擾於城西池小洲上立茅屋伐木爲材織葦爲席而居

布衣蔬食宴如也洛官記安成王在鎮以羅含故宅借錄事劉朗之嘗見一丈夫衣冠甚偉披衿而立朗之驚問忽然失之未及還朗之以罪見黜人謂君章有神羅君章宅在江陵城西三里庾信亦嘗居之蔣詡嵇康高士傳蔣詡杜陵人詡爲亮疾歸杜陵荆棘塞門舍中三徑終身不出時人謔曰楚國二龔不如杜陵蔣翁此句正用杜陵故事與邵平爲偶非泛用三徑也箋曰庾信羅含有宅謂江陵之寓居也春來秋去以燕自況也短牆喬木指秦中故居蔣詡邵平一居杜陵一居東陵皆老于長安者也弟勸兄酬

言歸秦之樂也

江雨有懷鄭典設

春雨閣閣塞

一作發

峽中早晚來自楚王宮亂波分披已

打岸弱雲狼藉不禁風寵光蕙葉與多碧點注桃花

舒小紅谷口子真正憶汝岸高瀼滑

一作關

限西東

張應曰發有間水橫通山谷間謂之瀼時公又自赤甲遷居廢西則鄭居瀼東也

王十五前閣會

楚岸收新雨春臺引細風
情人來石上鮮鱸出江中
隣舍煩書札肩輿強老翁
病身虛俊味何幸飫兒童

俊味

藥苑雜錄杜詩俊味亦有來處本草胡注云此物煮為羹膳極俊美

寄韋有夏郎中

韋有夏

朝城主簿韋有夏殆斯人耶

生木

水衣于其上也

東坡沈倫期回波詞姓名雖同齒錄則牙未是
牙緋子美用飲子將飲君亦齒錄牙緋之比也

陪柏中丞觀宴將士二首

極樂三軍士。誰知百戰場。無私齊綺饌。久坐密金章。
醉客雲鵷鷺。佳人指鳳凰。幾時來翠節。特地引紅粧。

鳴

勤陳昭俄而酒至賜醴盃

江樹城孤遠。雲臺使寂寥。漢朝頻選將。應拜霍嫖姚。

姚

。七月一日題終明府水樓二首

高棟曾軒已自涼。秋風此日灑衣裳。倏然欲下陰山雪。不去非無漢署香。絕壁過雲開錦繡。疎松夾水奏笙簧。看君宜著王喬履。真賜還疑出尚方。

終明府功曹也。兼攝奉節令故

有此句佇觀

秦卽真也

宓子彈琴邑宰白。終軍棄繻英妙時。承家節操尚不泯。爲政風流今在茲。可憐賓客盡傾蓋。何處老翁來賦詩。楚江巫峽半雲雨。清簟疎簾看奕碁。

季秋蘇五弟纓江樓夜宴崔十三評事韋少府

姪三首

峽險江驚急。樓高月迴明。一時今夕會。萬里故鄉情。
星落黃姑渚。秋辭白帝城。老人因酒病。堅坐看君傾。

黃姑渚

古歌詞黃姑織女時相見黃姑即河鼓也曹植九咏乘回風兮浮漢渚

明月生長好。浮雲薄漸

晉作

遮悠悠。照邊塞。悄悄憶京

華。清動盃中物。高隨海上查。不眠瞻白兔。百過落烏

紗。

對月那無酒。登樓況有江。聽歌驚白鬢。笑舞拓秋牕。
尊蟻添相續。沙鷗竝一雙。盡憐君醉倒。更覺片

一作我心

九月一日過孟十二倉曹十四主簿兄弟

藜杖侵寒露。蓬門啟曙烟。力稀經樹歇。老困撥書眠。

秋覺追隨盡來因孝友偏清談見滋味爾輩可忘年

過客相尋

窮老真無事江山已定居地幽忘盟櫛客至罷琴書
挂壁移筐果呼兒問一作煮魚時聞繫舟楫及此問吾
廬

孟倉曹步趾領新酒醬二物滿罍見遺老夫

楚岸通秋屐胡牀面夕哇藉糟分汁滓甕醬落提攜
飯糲添香味朋來有醉泥理生那免俗方法報山妻

藉糟

酒德頌杭
翅藉糟

汁滓

周禮醢齊注云醢猶
醢也成而汁滓相將

柳司馬至

有使歸三峽相過問兩京函關猶出將渭水更屯兵

設備邯鄲道和親邏些城幽燕唯鳥去商洛少人行
衰謝身何補蕭條病轉嬰霜天到宮闕戀主寸心明

邏些城

舊書吐蕃傳其人或隨畜牧而不常居然頗有城郭其國都城號爲邏些城新書吐蕃有邏些川

鶴曰大曆二年九月十月京師以吐蕃入寇兩戒嚴故作此詩

簡吳郎司法

有客乘舸自忠州遣騎安置瀼西頭古堂本買藉疎
豁借汝遷居停宴遊雲石焚焚高葉曙一作曉風江颯颯
亂帆秋却爲姻婭過逢地許坐曾軒數散愁

瀼西

時公又移居東屯故以瀼西草堂借吳郎也

又呈吳郎

堂前撲棗任西隣無食無兒一婦人不爲困窮寧有

此祇緣恐懼轉須親一作知遠客雖多事使一作便挿疎
籬却甚真已訴徵求貧到骨正思戎馬淚盈巾

西隣

前漢王吉傳吉居長安東家有大棗樹垂
吉庭中吉婦取棗以宿吉此句闢用其事

覃山人隱居

南極老人自有星北山移文誰勒銘徵君已去獨松
菊哀壑無光留戶庭予見亂離不得已子知出處必
須經高車駟馬帶傾覆悵望秋天虛翠屏

相學士茅屋

碧山學士焚銀魚白馬却走身巖居古人已用三冬
足年少今一作昔開萬卷餘晴雲滿戶團傾蓋秋水浮堦
溜決渠富貴必從勤苦得男兒須讀五車書

題柏大兄弟山居屋壁二首

叔父朱門貴，郎君玉樹高山居。精典籍，文雅涉風騷。江漢終吾老，雲林得爾曹。哀絃繞白雪，未與俗人操。野屋流寒水，山籬帶薄雲。靜應連虎穴，喧已去人羣。筆架霑牕雨，書籤映隙曛。蕭蕭千里足，刺作馬箇箇五花文。

戲寄崔評事表姪蘇五表弟韋大少府諸姝

隱豹深愁雨，潛龍故起雲。泥多仍徑曲，心醉阻賢羣。忍待江山麗，還披鮑謝文。高樓憶疎豁，秋興坐氛氲。

秋日寄題鄭監湖上亭三首

碧草逢

一作建

春意，沅湘萬里秋。池要山簡馬，月淨一作庚

公樓磨滅餘篇翰平生一釣舟高唐寒浪滅一作髮髮
識昭丘

山簡馬

山簡鎮襄陽每臨高陽池未嘗不大醉而還時人爲之歌曰時時能騎馬倒著白接羅

庾公樓

方輿勝覽南樓

今在郡治南鵝山頂上非庾亮所登故基亮所登乃武昌安樂宮端門也李燾鄂州南樓記云孫氏更名漢鄂曰武昌今州東八十里武昌縣是也今鄂州乃漢沙美當晉成康時沙美未始有鄂及武昌之名庾亮安得至此

高唐

高唐賦序楚襄王與宋玉遊於雲夢之臺望高唐之

觀漢書注曰雲夢中高唐之臺張揖曰雲夢楚薺也在南郡華容縣其中
有臺館又曰安巫山之女也爲高唐之客聞君遊高唐願薦枕席蓋神女
在巫山之陽而其爲高唐之客則在雲夢故臺館皆在華容也陽臺自在
巫山亦曰陽雲臺實字記云陽雲臺高一百二十丈南枕長江宋玉云遊
陽雲之臺望高唐之觀即此也樂氏殆失攷矣公
詩云高唐寒浪滅髮髯識昭丘殆亦指雲夢言之

昭丘

登樓賦北彌陶牧西接昭丘荆

州圖記曰當陽東南七十里有楚昭王薨登樓則見所謂昭丘水經注沮
水又南逕楚昭王墓東對麥城故王仲宣之賦登樓云西接昭丘是也

新作湖邊宅還聞賓客過自須開竹逕誰道避雲蘿
官序潘生拙才名賈傳多拾丹應轉一作地鄰接意如

何

蹇阻

一作注

蓬萊閣終為江海人揮金應物理拖玉豈吾

身羹煮秋葦滑

一作弱

盃迎

一作疑

露菊新賦詩分氣象佳句

莫頻頻

謂真諦寺禪師

蘭若山高處烟霞嶂

一作障

幾重凍泉依細石晴雪落長

松問法看詩忘

一作妄

觀身向酒慵未能割妻子卜宅近

前峰

別崔湜因寄薛據孟雲卿

內弟湜赴湖南幕職

志士惜妄動知深

一作陳知

難固辭如何久磨礪但取不磷

緇夙夜聽憂主飛騰急濟時荊州過

一作遇

薛孟為報欲

論詩

送李八秘書赴杜相公墓

青簾白舫益州來。巫峽秋濤天地迴。石出倒聽楓葉
下推聲櫓搖皆一作指菊花開。貪趨相府今晨發。恐失佳
期後命催南極。一星朝北斗。五雲多處是三台。

張璠曰：公有贈李秘書別詩曰：幕府籌頻問，山家藥正鉤。自注：秘書比臥青城山中，詳此則鴻漸平崔府必資其謀，至入朝表用之也。

巫峽樊廬奉贈侍御四舅別之澧朗

江城秋日落山鬼，閉門中行李淹吾舅。誅茅問老翁，
赤眉猶世亂。青眼只途窮。傳語桃源客，人今出處同。
奉送十七舅下邵桂

絕域三冬暮，浮生一病身。感深辭舅氏，別後見何人。

縹緲蒼梧帝推遷孟母隣昏昏阻雲水側望苦傷神

送單二判官

先帝

一作皇

弓劍遠小臣餘此生蹉跎病江漢不復謁承

明餞爾白頭日永懷丹鳳城遲遲戀屈宋渺渺臥荆
衡魂斷航舸失天寒沙水清肺肝若稍愈亦上赤霄
行

季夏送鄉弟韶陪黃門從叔朝謁

令弟尚爲蒼水使名家莫出杜陵人比來相國兼安
蜀歸赴朝廷已入秦捨舟策馬論兵地拖玉腰金報
主身莫度清秋吟蟋蟀早聞黃閣畫麒麟

杜鴻漸以大曆蟋蟀
二年六月入朝蟋蟀
澤陽於軒屏

張璠曰捨舟策馬言蜀地用兵水陸不得並進
也自注韶比兼開江使通成都外江下峽舟船

送十五弟侍御使蜀

喜弟文章進添余別興牽數盃巫峽酒百丈內江船
未息豺狼鬪空催犬馬年歸朝多便道搏擊望秋天

內江

輿地廣紀涪州內江卽黔江也昔司馬錯泝此水南上擊楚奪黔
中地又李膺益州記云內江至關頭離離長百步懸崖倒水舟楫
莫通方輿紀勝九域志引水經云卽延江文津也杜詩注云水自渝上合
州者謂之內江自渝由武瀘上蜀者謂之外江與此不同按內江卽黔江
地志其明卦
注不足據

送田四弟將軍將夔州柏中丞命起居江陵節

度陽城郡王衛公幕

一云夔府送田
將軍赴江陵

離筵罷多酒起地發寒塘剋首中丞座馳牋異姓王
燕辭楓樹日雁度麥城霜空定醉山翁酒遙憐似葛

强

麥城

水經注沮水又東逕驢城西磨城東又南逕麥城西盛弘之荊州記麥城東有驢城沮水之西有磨城犄角麥城子胥造此二城以

攻麥城俗諺云東驢西磨麥自破

送王十六判官

客下荆南盡君今復入舟買薪猶白帝鳴櫓少一作沙

頭衡霍生春早。瀟湘共海浮。荒林庾信宅。爲仗主人

留

沙頭

吳若本注江陵吳船至泊於郭外沙頭入蜀記過白湖拋江至升子鋪日入泊沙市自公安至此六十里自此至荆南陸行十里舟

不復進矣老杜云買薪猶白帝鳴櫓已沙頭又劉夢得云沙頭櫓干上始見春江闊皆謂此也方輿勝覽沙頭市至江陵城十五里庾信

宅

實字記羅含宅在江陵城西三里庾信亦嘗居之

奉送卿二翁統節度鎮軍還江陵

火旗還錦纜，白馬出江城。嘹唳吟一作寫笳發，蕭條別浦清。
寒空巫峽曙，落日渭陽明。一作情留滯嗟衰疾，何時見息兵。

送鮮于萬州遷巴州

京兆先時傑，琳琅照一門。朝廷偏注意，一作接近與名藩。
祖帳排一作陳舟數，寒江觸石喧。看君妙爲政，他日有殊恩。

琳琅顏魯公鮮于仲通神道碑：仲通字六人，叔曰萬州刺史。吳雅有父風，頗精史道，作牧萬州政績尤異，有詔遷秘書少監，尋又改牧巴州。仲通一門並見。

寄杜位

位者與位同在，故嚴尚書幕。

寒日經簷短，窮猿失木悲。峽中一作爲客恨，江上一作憶

君時天地身何在。吳作風塵病敢辭。封書兩行淚。霑灑
裏新詩。

奉寄李十五秘書二首

文選

避暑雲安縣。秋風早下來。暫留刊作魚復浦。同過楚王

臺。猿鳥千崖窄。江湖萬里開。竹枝歌未好。畫舸莫陳作

遲回。

一作

竹枝

竹枝本出於巴渝。唐貞元中劉禹錫在沅湘以俚歌謠。陋乃依騷人九歌作竹枝新歌。禹錫曰竹枝巴渝也。巴見聊齋。吹短笛擊鼓以赴節。

行李千金贈。衣冠八尺身。飛騰知有策。意度不無神。
班秩兼通貴。公侯出異人。立成負文彩。世業豈沉淪。
奉送韋中丞之晉赴湖南

龍渥徵黃漸。權宜借寇頻。湖南安背水。峽內憶行春。

王室仍多故蒼生倚大臣還將徐孺子一作處處處待高人

送李功曹之荊州京鄭侍御判官重贈

曾聞宋玉宅每欲到荊州此地生涯晚遙悲一作通水國
秋孤城一柱觀落日九江流使者雖光彩青楓遠自
愁

宋玉宅

水經注宜城城南有宋玉宅玉邑人傳才辯給善屬文而識音也西溪叢語唐余知古渚宮故事曰庾信因侯景之亂自建康

遁歸江陵居宋玉故宅宅在城北三里故其賦曰珠茅宋玉之宅穿徑臨江之府老杜云曾聞宋玉宅李義山亦云可憐留著臨江宅異代應教庾信居是也然子美移居夔州入宅詩云宋玉歸州宅又有江山故宅之咏蓋歸州亦有宋玉宅也

送孟十二倉曹赴東京選

君行別老親此去苦家貧藻鏡留連客江山憔悴人

秋風楚竹冷夜雪羣梅春朝夕高堂念應宜綵服新
憑孟倉曹將書覓土婁舊莊

平居喪亂後不到洛陽岑爲歷雲山問無辭荆棘深
北風黃葉下南浦白頭吟十載江湖客茫茫遲暮心

別蘇侯

赴湖
南幕

故人有遊子棄擲傍天隅他日憐才命居然屈壯圖
十年猶塌翼絕倒爲驚吁消渴今如在提携愧老夫
豈知臺閣舊先陳作
流拂鳳凰雖得實翻蒼竹棲枝把翠
梧北辰當宇宙南岳據江湖國帶風塵色兵張虎豹
符數論封內事揮發府中趨贈爾一作
汝秦人策莫鞭轅

下駒

存歿口號二首

席謙不見近彈碁，畢耀仍傳舊小詩。玉局他年無限

笑

一作事

白楊今日幾人悲

道士席謙善彈碁故曰玉局

彈碁

梁冀傳注執經曰彈碁兩人對局白黑碁各六後先列碁相當更先彈也其局以石爲之古今詩話彈碁局方五尺中心高如覆盆

其顛爲小壺四角微起李商隱詩玉作彈碁局中心恨不平謂其中尊也

鄭公粉繪隨長夜，曹霸丹青已白頭。天下何曾有山

水，人間不解重驂騑。

高士榮陽鄭虔善畫山水曹霸善畫馬也

奉漢中王手札報韋侍御蕭尊師亡

秋日蕭韋逝，淮王報峽中。

少年

疑杜史多術，怪仙

公不但時人情，祇應吾道窮。一哀侵疾病，相識自兒

童。處處鄰家笛，飄飄客子蓬。強吟懷舊賦，已作白頭

翁

哭王彭州掄

執友驚淪沒，斯人已寂寥。
新文生沈謝，異骨降松喬。
北部初高選，東堂早見招。
蛟龍纏倚劍，鸞鳳夾吹簫。
歷職漢庭久，中年□馬驕。
兵戈間兩觀，寵辱事三朝。
蜀路江干一作干戈窄，彭門一作開地里遙。
解龜生碧草，諫獵阻清霄。
頃壯戎麾出，叨陪幕府要。
將軍臨氣候，猛士塞風飈。
井漏一作滂泉誰汲，烽疎火不燒。
前籌自多暇，隱几接終朝。
翠石俄雙表，寒松竟後凋。
贈詩焉敢墜，染翰欲無聊。
再哭經過罷，離魂去住銷。
之官方玉折，寄葬與萍漂。
曠望渥洼道，霏微河漢橋。
夫人先卽

世令子各清標。巫峽長雲雨。秦城近斗杓。馬唐毛髮
白。歸興日蕭蕭。

渥洼

渥洼道屬令子河漢
橋屬夫人舊注甚謬

見螢火

不是螢火向日見螢火今無與

巫山秋夜螢火飛。簾疎巧入坐人衣。忽驚屋裏琴書
冷。復亂簷邊星宿稀。却繞井欄添箇箇。偶經花藥弄
輝輝。滄江白髮愁看汝。來歲如今歸未歸。

吹笛

結句同折楊柳事主情引入下詩

吹笛秋山風。月清誰家巧。作斷腸聲。風飄律呂相
和。片片傷關山。幾處明。關騎中宵堪北走。武陵一
曲想南征。故園楊柳今搖搖。一作花落何得愁中曲。一作原叔

繫曲盡生

騎

世說劉越石為騎所聞數重城中窘迫無計越石始夕乘月登樓清嘯賊聞之皆懷然長歎中夜奉口

之苦向曉又吹之賊並棄圍奔走陳宏讓

武陵古今注武陵深乃馬援

長笛吐清氣詩騎爭北歸偏知別鄉苦

愛寄生善吹笛援作歌以和之名曰武陵深陳

賀衡長笛吐清氣詩方知出塞口不憚武陵深楊柳有口吹歌云上馬

孤雁

一云後

孤雁不飲啄

飛雁飛鳴聲念羣

一作聲聲

誰憐一片影相失萬

重雲望盡

一作斷

似猶見哀多如更

一作累

聞野鷗無意緒鳴

噪自

一作亦紛紛

鷗

江浦寒鷗戲無他亦自饒却思翻玉羽隨意點春苗

雪暗還須浴一作落風生一任飄幾羣滄海上清影日蕭

蕭

風生

南越志江鷗一名海鷗在海漲中隨潮上下常以三月風至乃還洲輿頗知風雲若澤至岸必風

猿

只起二句詩意下便接空際意甚

裊裊啼虛壁蕭蕭挂冷枝艱難人不見一作隱見爾如知慣習元從衆全生或用奇前林騰每及父子莫相離

黃魚

日見巴東峽黃魚出浪新鰲鱗兼飼犬長大不容身筒桶一作筒相沿久風雷肯爲神一作神泥沙卷涎沫迴首怪

龍鱗

飼犬

論衡彭蠡之濱以魚食犬鹽鐵論江陵之人以魚飼犬韓詩飼犬驗今朝長大

蘇雅注鯽大者長二三丈今江東呼為黃

魚陸機云大者十餘斤可蒸為臠又可為鮮魚子可為醬

白小

白小羣分命天然二寸魚細微需水族風俗當園蔬

入肆銀花亂傾箱雪片虛生成猶拾作邪盡取義何

如

園蔬

賓退錄靖州圖經載其俗居喪不食酒肉鹽酪而以魚為蔬今湖北多然謂之魚菜杜耒嘗往來荆楚而羹亦與湖北為隣風俗當

園蔬正拾邪

西京賦獲胎拾邪紙據盡取

麋

標鹿二首一及初一金生有無限感此

永與清溪別蒙將玉饌俱無才逐仙隱不敢恨庖厨亂世輕全物微聲及禍樞衣冠兼盜賊饕餮用斯須

鹿爾雅鹿大麋鹿毛狗足

仙隱神仙傳魯女生入華山中

微聲昌邑臨海郡記郡西北侯官山

有三足鹿其聲嘶嗶

鷄

紀德名標五初鳴度必三殊方聽有異失次曉無慙問俗人情似充庖爾輩堪氣交亭育際巫峽漏司南

五德

韓詩外傳田饒謂魯哀公鷄有五德有食五德君猶淪而食之

氣交

裴少新語正朔縣官殺羊懸其頭于門又鷄以副之俗

說以厭國氣多以問江南任君任君曰是月上氣上升草木動羊鬚百草鷄啄五穀故殺之以助生氣

玉腕驕

江陵節度衛公馬也

聞說荆南馬尚書玉腕驕頓驂

陳作驂驂

飄赤汗跼踖顧長

秋

三年入乾坤一戰收舉鞭如有問欲伴習池

遊

見王監兵馬使說近山有白黑二鷹羅者久取

竟未能得王以為毛骨有異他鷹恐鷹後亦生

騫飛避暖勁翮思秋之甚眇不可見請余賦詩

雪別本俱作雲飛玉立盡清秋不惜奇毛恣遠遊在野只教

心力一作破破干一作作干人何事網羅求一生自獵知無敵

百中爭能恥下韝鵬礙九天須却避兔藏一作經三穴一作雪

莫深憂

白鷹西陽雜記云漠北白者身長且大五肋有餘細斑短項鷹內之最生

下韝東觀漢記桓真歎曰善鵬礙後幽明錄楚文王好獵有人獻一

毛羣羽族爭噬競搏此鷹眼目遠瞻雲際俄而雲際有一物凝翔解白鷹

便踴躍而升若飛電須臾羽翼如雪而下如雨有大鳥墮地兩翅展數

十里時有傳物者予曰此大鵬雛也

黑鷹不省人間有度海疑從北極來正翮搏風超紫

塞立陳作冬幾夜宿陽臺虞羅自各虛施巧春雁同歸

必見猜萬里寒空祇一日金眸玉爪不用作凡材

北極西陽雜俎取鷹法七月二十日為上時內地者多塞外者殊少八月下旬為次時八月下旬為下時塞外鷹畢至矣紫塞

崔豹古今注秦築長城土色皆紫漢塞亦然故云紫塞也虞羅隋魏彥深鷹獵何處者之多巧運橫羅以繫束

張翊曰按王兵馬荆南趙芮公猛將公嘗為賊二角鷹言其勇銳相顧則此亦所以况之也

杜工部集卷之十六

季滄葑季南宮校

杜工部集卷之十七

虞山蒙叟錢謙益箋註

近體詩五十五首

大曆三年正月起峽中至江陵及湖南作

太歲日

楚岸行將老。巫山坐復春。病多猶是客。謀拙竟何人。
閭闔開黃道。衣冠拜紫宸。榮光懸日月。賜與出金銀。
愁寂鴛行斷。參差虎穴鄰。西江元下蜀。北斗故臨秦。
散地逾高枕。生涯脫要津。天邊梅柳樹。相見幾迴新。

元日示宗武

汝啼吾手戰。吾笑汝身長。處處逢正月。迢迢滯遠方。
飄零還柏酒。一作葉衰病只藜床。訓喻青衿子。名慚白首

郎賦詩猶落筆獻壽更稱觴不見江東弟高歌淚數

行

第五弟豐漂泊江左近無消息

遠懷舍弟穎觀等

陽翟空知處荆南近得書積年仍遠別多難不安居
江漢春風起冰霜昨夜除雲天猶錯莫花萼尚蕭疎
對酒都疑夢吟詩正憶渠舊時元日會鄉黨羨吾廬
續得觀書迎就當陽居止正月中旬定出三峽
自汝到荆府書來數喚吾頌椒添諷詠禁火卜歡娛
呼作舟楫因人動形骸用杖扶天旋夔子國春近岳陽
湖發日排南喜傷神散北吁飛鳴還接翅行序密銜
蘆俗薄江山好時危草木蕭馮唐雖晚達終覲在皇

都

將別巫峽贈南卿兄瀼西果園四十畝

苔竹素所好

一作不

定居遠遊長兒子幾地別林

廬雜藥紅相對他時錦不如具舟將出峽巡園念携

鋤正月喧鸛末茲辰放鷁初雪籬梅可折風榭柳微

舒託贈卿家有因歌野興疎殘生逗

陳作通

江漢何處狎

樵漁

送大理封主簿五郎親事不合却赴通州主簿

前閬州賢子余與主簿平章鄭氏女子垂欲納

一有季

鄭氏伯父京書至女子已許他族親事遂停

禁鬻去東床趨庭赴北堂風波空遠涉琴瑟幾

音虛

張渥水出騏驎崑山生鳳皇兩家誠欸欸中道許蒼
蒼頗謂秦晉匹從來王謝郎青春動才調白首缺輝
光玉潤終孤立珠明得闇藏餘寒折花卉恨別滿江
鄉

禁鬱

晉書袁宏欲以女妻謝
混王珣曰卿莫近禁鬱

人日兩篇

元日到人日未有不陰時冰雪鸞難至春寒花較遲
雲隨白水落風振紫山悲蓬鬢稀疏久無勞比素絲

人日

談藪應收對北齊高祖董勛問正月一日爲誰生日爲人西清詩
話宋人劉克曰東方朔占書一日至八日其日晴主所生之物育

陰則災少陵謂天寶亂後人
物歲歲俱災此春秋書法耶

白水

山海經白水出蜀而東南注江
入江州城下注江州縣屬巴郡

山

後漢志廣漢郡綿竹地道記
曰有紫岩山縣水之所出焉

此日此時人共得，一談一笑俗相看。尊前柏葉休隨酒，勝裏金花巧耐寒。佩劍衝星聊暫拔，匣琴流水自須彈。早春重引江湖興，直道無憂行路難。

勝裏

荆楚歲時記正月七日爲人日，以七種菜爲羹，剪綵爲人或鏤金箔爲人，以貼屏風，亦戴之。頭髻買充李夫人典故。人日造華勝相，又像西王母戴勝也。

江梅

梅蕊臘前破，梅花年後多。絕知春意好，一作早最奈客愁何。

雪樹元能

一作能

同色。江風亦自波，故園不可見。巫岫鬱

嵯峨。

庭草

楚草經寒碧，庭春入眼濃。舊低收葉舉，新掩卷牙重。

步履宜輕過開筵得屢供看花隨節序不敢強爲容

大曆三年春白帝城放船出瞿唐峽久居夔府

將適江陵漂泊有詩凡四十韻

老向巴人裏今辭楚塞隅入舟櫓不樂解纜獨長吁

窄轉深啼狖虛隨亂一作落浴鳧石苔凌几杖空翠撲肌膚

疊壁排霜劒奔泉潑水珠杳冥藤上下濃淡樹榮枯

神女峰娟妙昭君宅有無曲留明怨惜一作別夢盡失

歡娛擺闌盤渦沸欹斜激浪輪風雷纏地脉冰雪耀

天衢鹿角一作離真走險狼頭一作離如跋胡惡灘寧變色高

卧負微軀書史全傾撓裝囊半壓濡生涯臨臬兀死

地脫斯須不有平川決一作快焉知衆壑趨乾坤霾漲海

大曆三年春
白帝城放船
出瞿唐峽
久居夔府
將適江陵
漂泊有詩
凡四十韻

雨露沈春燕。鷗鳥牽絲颺。龍濯錦紆落霞。沉絳綺。
殘月壞金樞。泥笋苞初荻。沙茸出小蒲。雁兒爭水馬。
燕子逐櫓烏。絕島容烟霧。環洲納曉晡。前聞辨陶牧。
轉眄拂宜都。縣郭南畿好。路入松滋縣津亭北望孤。勞心依
憇息。朗詠劃昭蘇。意遣樂還笑。衰迷賢與愚。飄蕭將
素髮。汨沒聽洪鑪。丘壑曾忘返。文章敢自誣。此生遭
聖代。誰分哭窮途。卧疾淹爲客。蒙恩早廁儒。廷爭酬
造化。樸直乞去江湖。艷潁險相迫。滄浪深可逾。浮名
尋已已。懶計却區區。喜近天皇寺。先披古畫圖。此寺有晉石軍
書張僧繇畫孔子泊顏子十哲形像應經帝子渚。同泣舜蒼梧。朝士兼戎服。

君王按湛盧。旄頭初倂擾。鶉首麗泥塗。甲卒身雖貴。

書生道固殊。出塵皆野鶴。歷塊匪轅駒。伊呂終難降。
韓彭不易呼。五雲高太甲。六月曠搏扶。回首黎元病。
爭權將帥誅。山林託疲茶。未必免崎嶇。

狼頭

輿地紀勝蜀江狼尾灘。陳時屯隋兵之所。屬峽州水經注江水又東流。狼頭灘。其水並峻激。奔暴魚鱗所不能游。行者常苦之。其歌曰。灘頭白勃堅。相持條忽淪。沒別無期。衣崧曰。自蜀至此。五千餘里。下

水五日。上水百口也。宜都記曰。渡流頭灘。十里便得宜昌縣。江水又東。經

狼尾灘。而歷人灘。按流頭灘。當卽所謂狼頭也。

金樞

海賦大明。觀唐於金樞之穴。伏滔望海賦。金樞之穴。金樞之穴。金樞之穴。

苞錄。纂新。並含紫茸。善注。著顏篇曰。茸草貌。然此茸。謂蒲華也。

水馬

注引本草。馬。恐未是。陶牧。登樓賦。北瀾。陶牧。登樓賦。北瀾。陶牧。登樓賦。北瀾。

曰江陵縣西。宜都

水經注。桑道縣。漢武帝代西南。桑道縣。漢武帝代西南。桑道縣。漢武帝代西南。

陸遜所築也。

天皇寺

歷代名畫記。江陵天皇寺。明皇置。內有相室僧器。盡盧舍那佛像。及仲尼十哲帝怪。問釋門內如何。畫孔

聖僧。餘曰。後當賴此耳。及後周滅。佛法焚。天下寺塔。燬以此殿。有宜尼像。乃不令毀。拆

帝子渚

九歌。帝子降兮。北渚。注曰。堯二

女。隨舜不及。沒于湘水之渚。因爲湘夫人。

鶉首

晉志。自東井十六度至柳十度。爲鶉首。秦之分野。屬雍

州太甲

王勃益州夫子廟碑帝車南指遺七曜于中階華蓋西臨感五雲于太甲西陽雜俎燕公常讀王勃夫子學堂碑頌自帝車至

太甲四句悉不解訪之一公公言北斗建于七曜在南方有是之祥無位聖人當出華蓋以下卒不可悉因學紀聞晉天文志華蓋右旁六星曰六甲分陰陽而配節候太甲恐是六甲一星之名然未有考証

巫山縣汾州唐使君十八弟宴別兼諸公携酒樂相送率題小詩留于屋壁

卧病巴東久今年強作歸故人猶遠謫茲日倍多違接宴身兼杖聽歌淚滿衣諸公不相棄擁別借光輝

春夜峽州田侍御長史津亭留宴

得筵字

北斗三更席西江萬里般杖藜登水榭揮翰宿春天白髮煩一作須多酒明星惜此筵始知雲雨峽忽盡下牢

邊

泊松滋江亭

紗帽隨鷗鳥扁舟繫此亭江湖深更白松竹遠微一作青
一柱全應近高唐莫再經今宵南極外并作老人星

松滋

寰宇記本漢舊縣晉咸康三年以松滋流戶在荆土者立松滋縣輿地紀勝江亭在松滋縣治後杜子美孟浩然俱有詩

行次古城店汎江作不揆鄙拙奉呈江陵幕府諸公

老年常道路遲日復山川白屋花開裏孤城麥秀邊
濟江元自闕下水不勞牽風蝶勤依漿春鷗懶避船
王門高德業幕府盛才賢行色兼多病蒼茫汎愛前

古城

水經注江水又東逕陸抗故城北又云北對發陵縣之故城城南臨大江此所謂古城也

乘雨入行軍六弟宅

曙角凌雲罷。春城帶雨長。水花分壑弱。巢燕得泥忙。
令弟雄軍佐。凡才污省郎。萍漂忍流涕。衰颯近中堂。

宴胡侍御書堂

李尚書之芳鄭泌
監審同集歸字韻

江湖春欲暮。牆宇日猶微。閭閻春吳作籍滿。輕輕花絮
飛。翰林名有素。墨客興無違。今夜文星動。吾儕醉不

歸。

書堂飲既夜復邀李尚書下馬月下賦絕句

湖水

一作月

林風相與清。殘尊下馬復同傾。久拚野鶴如

霜鬢。遮莫鄰雞下五更。

遮莫

舊注俚語猶
言儘教也

上巳日徐司錄林園宴集

髣毛垂領白花藥亞枝紅歌倒衰年廢招尋令節同

薄

一作蕩

衣臨積水吹面受和風有喜留攀桂無勞問轉蓬

蓬

奉送蘇州李二十五長史丈之任

星坼台衡地曾爲人所憐公侯終必復經術昔

吳作竟

相

傳食德見從事克家何妙年一毛生鳳穴三尺獻龍

泉赤壁浮春慕姑蘇落海邊客間頭最白惆悵此離

筵

台衡

舊史李林甫有子二十五人此或是林甫幼子史云林甫自處台衡朝野側目及國忠誣構天下以爲冤漸史世系表林甫子僅載

五人無從考據耳或

云是適之之後也

暮春江陵送馬大卿公恩命追赴闕下

自古求忠孝名家信有之
吾賢富才術此道未磷緇
玉府標孤映霜蹄去不疑
激揚音韻徹籍甚衆多推
潘陸應同調孫吳亦異時
北辰徵事業南紀赴恩私
卿月昇金掌玉春度玉墀
薰風行應律湛露卽歌詩
天意高難問人情老易悲
尊前江漢闊後會且深期

暮春陪李尚書李中丞過鄭監湖亭汎舟

得過字韻

海內文章伯湖邊意緒多
玉尊移晚興桂楫帶酣歌
春日繁魚鳥江天足芰荷
鄭莊賓客地衰白遠來過
奉送蜀州柏二別駕將中丞命赴江陵起居衛
尚書太夫人因示從弟行軍司馬佐

中丞問俗盡熊頻愛弟傳書彩鵲新遷轉五州防禦
使起居八座太夫人楚宮臘送荆門水白帝雲偷碧
海春報與惠連詩不惜知吾斑鬢總如銀

盡熊

後漢輿服志公列侯車倚鹿伏熊黑轡

五州

鶴曰貞觀十四年夔州為都督府督歸夔忠萬涪渝南七州至德元載於

雲安置七州防禦使詩云五州誤也按方鎮表廣德二年置信忠夔都防禦使治夔州原領夔峽忠歸萬五州故曰五州也

八座

唐以

六尚書左右倖射合為八座

夏日楊長寧宅送崔侍御常正字入京

得深字韻

醉酒楊雄宅升堂子賤琴不堪垂老鬢還對欲分襟
天地西江遠星辰北斗深烏臺俯麟閣長夏白頭吟

麟閣

六典秘書省天授初改為麟臺監神龍元年復舊初漢御史中丞掌麟臺秘書圖籍故歷代置都邑建臺省以秘書與御史為鄰

和江陵宋太仆崔春雨後同諸公及舍弟宴書

齋

渥注汗血種天上麒麟兒
才士得神秀書齋闥爾爲
棣華晴雨好綵服暮春宜
朋酒日歡會老夫今始知
夏夜李尚書筵送宇文石首赴縣聯句

愛客尚書重之官宅相賢

美子

酒香傾坐側帆影駐江

邊

芳之

翟表郎官瑞鳬看今宰仙

或

雨稀雲葉斷夜久

燭花偏

美子

數語歌

一作

紗帽高文擲彩箋

芳之

興饒行處

樂離惜醉中眠

或

單父長多暇河陽實少年

美子

客居

逢自出爲別幾悽然

芳之

宇文晃尚書之甥崔或司業之孫尚書之子重

泛鄭監前湖

審

郊扉俗遠長幽寂野水春來更接連錦席淹留還出浦
葛巾欹側未迴船尊當霞綺輕初散棹拂荷珠碎却圓
不但習池歸酩酊君看鄭谷去黃緣

多病執熱奉懷李尚書

之芳

衰年正苦病侵凌首夏何須氣鬱蒸大水淼茫炎海接
竒峰碑元火雲升思霑道暘黃梅雨敢望宮恩玉井冰
不是尚書期不顧山陰野雪興難乘

玉井

魚素魏畧明帝九龍殿前爲玉井綺欄水經注華林園流園中有古玉井井悉以珉玉爲之以鎔石爲口工作精密猶不變古深焉

如新東京賦於南則有譙門曲榭注譙門冰室門也門內有宣陽冰室

水宿遣興奉呈羣公

魯鈍仍多病逢迎遠復迷耳聾須畫字髮短不勝簪

澤國雖勤雨。炎天竟淺泥。小江還積浪。弱纜且長堤。
歸路非關北。行舟却向西。暮年漂泊恨。今夕一作亂離離。
啼。童稚頻書札。盤飧詎糝藜。我行何到此。物理直難
齊。高枕翻星月。嚴城疊鼓鞀。風號虎豹水。宿伴鳬
鷺。異縣驚虛往。同人惜解携。蹉跎長汎鷁。展轉屢鳴
雞。嶷嶷瑚璉器。陰陰桃李蹊。餘波期救涸。費日苦輕
賁。支策門闌遠。肩輿羽翮低。自傷耳賤役。誰愍強幽
棲。巨海能無釣。浮雲亦有梯。勲庸思樹立。語默可端
倪。贈粟困應指。登橋柱必題。丹心老未折。時訪武陵
溪。

奉賀陽城郡王太夫人恩命加鄧國大夫人

陽城

郡王衛
伯玉也

衛幕銜恩重潘輿送喜頻濟時瞻上將錫號戴慈親
富貴當如此尊榮邁等倫郡依封土舊國與大名新
紫誥鸞迴紙清朝燕賀人遠傳冬笋味更覺綵衣春
奕葉班姑史芬芳孟母鄰義方兼有訓詞翰兩如神
委曲承顏體騫飛報主身可憐忠與孝雙美盡麒麟
鶴曰舊書大曆初伯玉丁母憂朝廷以王舅代其任諷將士請留遂起復
再任則此詩當作于伯玉封王母同受封之時大約是大曆元年
通鑑伯玉丁母
憂是大曆五年

江陵望幸

雄都元壯麗望幸歛威神地利西通蜀天文北照秦
風烟含越鳥舟楫控吳人未枉周王駕終期漢武巡

甲兵分聖旨居守付宗臣早發雲臺仗刊作恩波起淵

鱗

肅宗上元元年九月置南都于荊州以爲江陵府改呂誼爲尹二年罷
是年建卯月又詔爲南都尋罷呂誼傳建請荊州置南都於是更號江陵
府以誼爲尹置永平軍萬人以趙長蜀之衝黃德元年冬乘輿幸陝以誼
玉有幹畧可常重寄乃拜江陵尹兼御史大夫充荊南節度觀察等使

江邊星月二首

驟雨清秋夜金波耿玉繩天河元自白江浦一作向來
澄映物連珠斷綠空一鏡升餘光隱一作更漏况乃露

華凝

金波

漢郊祀歌月穆穆以金波謝玄
暉詩金波麗鵲玉繩低建章

江月辭風纜一作

江星別霧一作

船雞鳴還曙一作

色鷺浴

自清川歷歷竟誰種悠悠何處圓客愁殊未已他夕

始相鮮

歷歷

古樂府天上何所有歷歷種白榆

舟月對驛近寺

更深不假燭月朗自明船金刹青楓外朱樓白水邊
城烏啼眇眇野鷺宿娟娟皓首江湖客釣簾獨未眠

舟中

風餐江柳下雨卧驛樓邊結纜排魚網連檣並米船
今朝雲細薄昨夜月清圓飄泊南庭老祗應學水仙

水仙

張翥錄清冷傳曰張翥字全德鄉從昨人也服入石得水仙是爲河伯一云以八月庚子洛於南河溺死出莊子大宗師第六卷義

中注

遣悶

地闊平沙岸舟虛小洞房使塵來驛道城日避烏樯
一作暑雨留蒸濕江風借夕涼行雲星隱見疊浪月光
芒螢鑒綠帷徹珠絲習鬢長哀箏猶凭几鳴笛竟霑
裳倚著如秦贅過逢類楚狂氣衝看劍匣穎脫撫錐
囊妖孽關東臭兵戈隴右瘡時清疑武畧世亂踟文
場餘力浮于海端憂問彼蒼百年從萬事故國耿難
忘

秦贅

賈誼傳秦人家貧子壯則出贅師古
曰言其不出妻家亦猶人身之有贅

江陵節度陽城郡王新樓成王請嚴侍御判官
賦七字句同作

樓上炎天冰雪生高飛燕雀賀新成碧窓宿霧蒙蒙

濕朱拱浮雲細細輕杖鉞褰帷瞻具美投壺散帙有
餘清自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還高
下三伏炎蒸定有無推轂幾年唯鎮靜曳裾終日盛
文儒白頭授簡焉能賦媿似相如爲大夫

舟

一作舟

出江陵南浦奉寄鄭少尹

審

更欲投何處飄然去此都形骸元土木舟楫復江湖
社稷纏妖氣干戈送老儒百年同棄物萬國盡窮途
雨洗平沙靜天銜闊岸紆鳴蜩隨泛梗別鷺起秋菰
棲託難高卧飢寒迫向隅哀寥相煦沫浩蕩報恩珠

溟漲鯨波動。衡陽雁影徂。南征問懸榻。東逝想乘槎。
濫竊商歌聽。時憂下泣誅。經過憶鄭驛。斟酌旅情孤。

江南逢李龜年

岐王宅裏尋常見。崔九堂前幾度聞。正是友談作此江南好。風景落花時。節又逢君。

雲溪友議明皇幸岷山百官皆竄辱李龜年奔迫江潭杜甫以詩贈之龜年曾於湘中採訪使筵上唱紅豆生南国又清風朗月苦相思此詞皆王右丞所製至今梨園唱焉歌闋合座莫不望南幸而愴然明皇雖錄樂工李龜年特承恩遇于東都道通里大起第宅中堂制度甲于都下今裴晉公移于定鼎門南別墅號綠野堂其後龜年流落江南每遇良辰慘景常為人聚數闕座客聞之莫不掩泣而罷
岐王舊書岐王範好學工書雅愛文章之士又多聚書畫古跡為時所稱開元十四年病薨
曰開元十四年公年十五是時未有梨園子弟當是嗣岐王也按崔九亦以開元十四年卒未知鶴作何解
崔九吳若本注云崔九即殿中監滌通鑑開元二年正月置梨園弟子
崔九中書令湜之弟也舊書湜弟滌
與玄宗欲密用為秘書監出入禁中與諸王侍宴不
江南王翦定荆江護席而坐或在寧王之上後賜名澄開元十四年卒
江南王翦定荆江

徙義帝于江南楚辭章句襄王遷屈原于江南在江湖之間龜年方
流落江潭故曰江南若溪漁隱云天寶後于美未嘗至江南誤矣

官亭夕坐戲簡顏十少府

南國調寒杵西江浸日車客愁連蟋蟀亭古帶蒹葭
不返青絲鞵虛燒夜燭花老翁須地主細細酌流霞

秋日荆南述懷

三十韻

昔承推獎分媿匪挺生材遲暮宮臣忝艱危袞職陪
揚鑣一作隨日馭折檻出雲臺罪戾寬猶活干戈塞未
開星霜玄鳥變身世白駒催伏枕因超忽扁舟任往
來九鑽巴巖火三蠶楚祠雷望帝傳應實昭王問不
迴蛟螭深作橫豺虎亂雄猜素業行已矣浮名安在
哉琴鳥曲怨憤庭鶴舞摧頽秋雨漫湘水

一云秋水漫湘竹

陰

風過嶺梅苦搖求食尾常曝報恩鯁結舌防讒柄探
腸有禍胎蒼茫步兵哭展轉仲宣哀飢籍入籍家家米
愁徵處處孟休爲貧士嘆任受衆人吟得喪初難識
榮枯劃易該差池分組冕合沓起蒿萊不必伊周地
皆知一作登屈宋才漢庭和異域晉史坼中台霸業尋常
體忠臣忌諱災羣公紛戮力聖慮宵一作宵徘徊數見銘
鍾鼎真宜法斗魁願聞鋒鏑鑄莫使棟梁摧盤石圭
多寡凶門轂少推垂旒資穆穆祝網但恢恢赤雀翻
然至黃龍詎一作不假媒賢非夢傅野隱類鑿顏坯自古
江湖客冥心若死灰

九鑽三蟄

山谷云子美入蜀下峽年月則詩中自可見其曰九鑽已
誤八三蟄楚祠雷則往來兩川九年在夔府三年可知矣

茗溪漁隱曰杜又有十暑岷山葛三霜楚戶枯之句詩譜以謂公以乾元已亥冬至蜀不以暑計起明年庚子至是為十暑時已在湖南獨言岷山永泰乙巳秋至雲安雲安荆湖皆楚地至是合為五望帝望帝借以喻霜而云三者獨以岷中言之巴巽火用樂巴巽火事望帝望帝也代宗

惡李輔國而不能明正其罪使盜竊其首猶昭王南征不復而周人不能開之于楚也昔人謂陶淵明詩悼國傷時不欲顯斥寓以他語使與漫不可指摘知此則昭王或謂周昭王南征不復沒于此潭因以為名琴

烏琴錄琴曲有烏夜啼樂府解題中台晉志三台六星兩兩而居起文烏夜啼宋臨川王義慶造也中台昌列抵太微一曰天柱三公之

位在太微三公西近文昌二星曰上台為司命主壽次二星曰中台為司中主宗室東一星曰下台為司祿主兵張華傳華為司空中台星圯少子避勸華遜位華不從遂遇害昔承推獎分公受知于房太尉也折檻出雲臺以救房謫官也宗臣忌諱災叙房病卒關州公詩好用小使語康傷司徒王褒詩云竟意中台圯君當風燭前王亦病卒不必以張華遇害為疑也房卒于廣德元年此追述之耳是年二月回紇登里可汗歸審詳回紇傳中所謂漢庭和異域也皆代斗魁晉志北斗七星在太微北魁四星宗初元之事故牽連書之耳斗魁為璇璣杓三星為玉衡杓南三星及魁第一星西三星皆曰三公主宣德化調七政和陰陽之官也史記縣枕參首平旦建者魁斗為帝車運于中央斗魁戴筐六星曰文昌宮

秋日荆南送石首薛明府辭滿告別奉寄薛尚

書頌德叙懷斐然之作

三十韻

南征爲客久。西候別君初。歲滿歸鳬舄。秋來把雁書。
荆門留美化。姜被就離居。聞道和親入。垂名報國餘。
連枝不日並。八座幾時除。往者固是幸。恭惟漢網疎。
風塵相瀕洞。天地一丘墟。殿瓦鴛鴦坼。宮簾翡翠虛。
鈎陳摧微道。槍鼎失儲胥。文物陪巡守。親賢病拮据。
公時呵勢踰。首唱却鯨魚。勢慙宗蕭相。公材非一范。
睢。諸名將屍填太行道。血走浚儀渠。淦口師仍會。兩關憤
已攄。紫微臨大角。皇極正乘輿。賞從頻裁冕。殊私再
直廬。公舊執金吾新授羽林前後二將軍豈惟高衛霍。曾是接應徐。降集讎
翔鳳。追攀絕衆狙。侍臣雙宋玉。戰策兩穰苴。鑒澈勞

懸鏡荒蕪已荷鋤嚮來披述作石首處見公新文一卷重此憶吹簫

白髮耳凋喪青雲亦卷舒經綸功不朽跋涉體何如

公頃奉使和審已見上應訝耽湖橘常餐占野蔬十年嬰藥餌萬里

狎樵漁楊子淹投閣鄒生惜曳裾但驚飛熠燿不記

改蟾蜍烟雨封巫峽江淮畧孟諸湯池雖險固遼海

尚填淤努力輸肝膽休煩獨起予

景仙守扶風事見前大曆二年十一月和審使檢校戶部尚書薛景仙自以審使還首領論以後隨景仙入朝槍鼎長楊賦本為儲范睢吳若本注云儲名將未詳其義是不

哭李尚書之芳

漳濱與蒿里逝水竟同年欲掛留徐劍猶迴憶戴船
相知成白首此別聞黃泉風雨嗟何及江湖涕泣然

脩文將管輅奉使夫張騫史閣行人在詩家秀句傳
客亭鞍馬絕旅櫬網蟲懸復魄昭丘遠歸魂葬海濱
樵蘇封葬地喉舌罷朝天秋色凋春草王孫若箇邊

重題

涕泗不能收哭君余

一作餘

白頭兒童相識

一作識

盡宇宙此

生浮江雨銘旌濕湖風井逕秋還瞻魏太子賓客滅

應劉

李公歷禮部尚書
薨于太子賓客

井徑

蕪城賦邊風急兮城上寒井徑滅
今丘壠殘注九夫爲井巷上有徑

獨坐

悲愁

一作秋

迴白首倚杖背孤城江斂洲渚出天虛風物

清滄溟服

一作恨

衰謝朱綬負平生仰羨黃昏鳥投林羽

翻輕

暮歸

霜黃碧梧白鶴棲城上擊柝復烏啼客子入門月皎皎誰家搗練風淒淒南渡桂水闕舟楫北歸秦一作洛川多鼓鞀年過半百不稱意明日看雲還杖藜

移居公安敬贈衛大郎

鈞

衛侯不易得余病汝知之雅量涵高遠清襟照等閒平生感意氣少小愛文辭河海由來合風雲若有期形容勞宇宙質朴謝軒墀自古幽人泣流年壯士悲水烟通徑草秋露接園葵入邑豺狼鬪傷弓鳥雀饑白頭供宴語烏儿伴樓遲交態遭輕薄今朝豁所思

清襟

袁粲答王儉詩老大亦何寄之于照清襟

公安送韋二少府匡贊

逍遙公後世多賢送爾維舟惜此筵念我能書一作數
字至將詩不必萬人傳時危兵甲黃塵裏日短江湖
白髮前古往今來皆涕淚斷腸分手各風烟

逍遙公

宰相世系表韋夔字敬遠後周逍遙公號逍遙公房至嗣立更號小逍遙公房張說東山記皇帝幸韋公東山之別業是日即

席拜公

逍遙公

贈虞十五司馬

遠師虞秘監今喜識立孫形象丹青逼家聲器宇存
婁京憐筆勢浩蕩問詞源爽氣金天豁清談玉露繁
佇鳴南岳鳳欲化北溟鯉交態知浮俗儒流不異門

過逢聯客位。日夜倒芳尊。沙岸風吹葉。雲江月上軒。
百年嗟已半。四坐敢辭喧。書籍終相與。青山隔故園。

公安縣懷古

野曠呂蒙營。江深劉備城。寒天催日短。風浪與雲平。
灑落君臣契。飛騰戰伐名。維舟倚前浦。長嘯一含情。

呂蒙營

寰宇記公安縣有孱陵城十三州志曰吳大帝封呂蒙為孱陵侯此地也入蜀記光孝寺後有廢城勢巋尚存圖經謂之呂蒙

劉備城

荆州記云劉備敗于襄陽南奔荆州吳大帝推為左將軍荆州牧鎮油口即居此城時人號備為左公故名其城公安也

水經注劉備之奔江陵使葉而鎮之曹公聞孫權以荆州借備臨書落筆

公安送李二十九弟晉肅入蜀余下沔鄂

正解柴桑纜。仍看蜀道行。檣烏相背發。塞雁一行鳴。
南紀連銅柱。西江接錦城。憑將百錢卜。飄泊問君平。

夢弼曰晉肅李賀之
父見韓退之諱辯

宴王使君宅題二首

漢主追韓信蒼生起謝安吾徒自漂泊世事各艱難
逆旅招邀近他鄉思英華作意緒寬不才并朽質高卧豈泥
蟠

汎愛容霜髮

一作

留歡卜夜閑

一云上

自吟詩送老相勸

酒開顏戎馬今何地鄉園獨舊山江湖墮清月酩酊

任扶還

舊山一作在山

夜關

英華辨証世傳杜子美不避家諱兩押閑字其實非也或改作夜關又不在韻按下圖集杜詩自是留歡上夜關蓋有投轄之意上

字龍馬上關字訛爲閑耳

留別公安太易沙門

隱居欲就廬山遠。麗藻初逢休上人。數問舟航留製
作。長開篋笥擬心神。沙村白雪仍含凍。江縣紅梅已
放春。先踏鱸峰置蘭若。徐飛錫杖出風塵。

杜工部集卷之十七

泰興縣張茂枝因元氏校

杜工部集卷之十八

虞山蒙叟錢謙益

箋

錢謙益

近體詩六十一首

自公安發次岳州及湖南作

曉發公安

數月懸全詩歸到已陳述意慨然有感

物休自成一種風調

北城擊柝復欲罷。東方明星亦不遲。鄰雞野哭如昨日。物色生態能幾時。舟散渺然自此去。江湖遠適無前期。出門轉眄已陳迹。藥餌扶吾隨所之。

入蜀記公移居公安詩云水烟通徑草秋露接園葵而留別太易沙門云沙村白雪仍合凍江縣紅梅已放春則以是致至此縣暮冬始去其曰數月懸息蓋謂此也

泊岳陽城下

江國踰千里。山城僅百層。岸風翻夕浪。舟雪灑寒燈。

岳陽樓記
岳陽樓記
岳陽樓記

留滯才難盡艱危氣益增圖南未可料變化有鯢鵬

纜船苦風戲題四韻奉簡鄭十三判官

楚岸朔風疾天寒鷁鵠呼漲沙蘄草樹舞雪渡江湖
吹帽時時落維舟日日孤因聲置驛外爲覓酒家壚

登岳陽樓

昔聞洞庭水今上岳陽樓吳楚東南坼乾坤日夜浮

親朋無一老病有孤舟戎馬關山北憑軒涕泗流

岳陽樓

岳陽樓土記岳陽樓城西門樓也方輿勝覽岳陽樓在郡治西

才士登臨賦詠自爾名者方回曰予登岳陽樓左序陳門壁間大書孟詩

右書杜詩後人不敵復題也劉長卿云憑浪浮元氣中流沒太陽世不甚

陪裴使君登岳陽樓

湖閣兼雲霧樓孤屬晚晴禮加徐孺子詩接謝宣城
雪岸叢梅發春泥百草生敢違漁父問從此更南征

南征

紹興歲歲發春
今汨五日南征

過南岳入洞庭湖

洪波忽爭道岸轉異江湖鄂渚分雲樹衡山引袖
翠牙穿裊裊一作碧節上寒蒲病渴身何去春生力

更無壤童犁雨雪漁屋架泥塗欹側風帆滿微冥水

驛孤悠悠廻赤壁浩浩畧蒼梧帝子留遺恨曹公屈

壯圖聖朝光御極殘孽駐艱虞才叔隨斯養名賢隱

鍛鑪邵平元入漢張翰後歸吳莫怪啼痕數危檣逐

夜鳥

洞庭湖

方輿勝覽在巴陵縣西西吞赤沙南連青草橫且七八百里風土記果澤沅湘合諸蠻南暨之水匯于洞庭至巴陵與荆江合

山海經注長沙巴陵縣西有洞庭陂潛伏通江水經注湖水廣闊五百餘

里日月若出沒于其中湘水沅水澧水微水四水同注洞庭北北會大江

名之五渚國策秦與荆戰取洞庭五渚羅君章湘中記曰湘水之出于陽朔則鴈為之舟至洞庭日月若出入于其中也

赤壁注江

水左巡百人山南右巡赤壁山北昔周瑜與黃蓋詐魏武大軍處所也方

輿勝覽赤壁山在蒲圻西百二十里北岸島林與赤壁相對今江漢間言

赤壁者五漢陽漢川黃州嘉

魚江夏惟江夏之說為近

帝子 是常游于江淵澧沅之風交瀟湘

之淵出入必以颿風暴雨水經注湘水又北逕黃陵亭西又合黃陵水口

其水上承太湖湖水西流逕二妃廟南世謂之黃陵廟也言大舜之陟方

也二妃從征溺于湘江神遊洞庭之淵出入瀟湘之浦被民為介

編于水則為荆州牧劉表刊石立碑樹之于廟以旌不朽之傳矣

宿青草湖

洞庭猶在目青草續為名宿槩依農事郵籤報水程

寒冰爭倚薄雲月遞微明湖雁雙雙起人來故北征

青草

荆州記巴陵南有青草湖周廻百里日月出沒其中湖南有青草山故因以為名青草湖一名洞庭湖洞庭亦謂之太湖南遷錄湖

庭西岸有沙洲堆阜隆起即青草廟下一湖之中有此洲南名青草北名洞庭所謂重湖也水經注湘水自汨口西北逕壘石山西而北對青草湖亦或謂之青草山也元和郡國志巴丘湖又名青草湖在巴陵縣南七十九里周迴二百六十五里俗云即古雲夢澤也

宿白沙驛

創過湖南五里

水宿仍餘照人烟復此亭驛邊沙舊白湖外草新青
萬象皆春氣孤槎自客星隨波無限月一作景的的近南

白沙

水經注瀟首水清深也湘中記曰湘川清照五六丈下見底石如栲櫟矣五色鮮明白沙如霜雪赤崖如朝霞是納瀟湘之名矣

湘夫人祠

肅肅湘妃廟空墻碧水春蟲書玉佩蘼蕪舞翠帷塵
晚泊登汀樹微聲借一作香借渚蘋蒼梧恨不盡染淚在叢
筠

方輿勝覽黃陵廟在湘陰北八十里王逸注楚辭以湘君爲水神湘夫人乃二妃也郭璞曰天帝之二女而處江爲神江湖之有夫人猶河洛之有處妃也禮五岳比三公四清比諸侯今湘川不及四清無秩于命祀而二女帝者之后配靈神祇無緣當復下降小水而爲夫人也韓退之黃陵廟碑則以娥皇爲湘君女英爲湘夫人後世宗之公此詩題曰湘夫人祠蓋本王逸之說也

祠南夕望

百丈牽江色孤舟泛日斜興來猶杖屨目斷更雲沙
山鬼迷春竹湘娥倚暮花湖南清絕地萬古一長嗟

湘娥

江賦乃協靈爽于湘娥王逸楚辭注曰楚二女墜于湘水之中因爲湘夫人也

登白馬潭

水生春纜沒日出野船開宿鳥行猶去叢花一作繁笑不
來人人傷白首處處接金盃莫道新知要南征且未

迴

歸雁

聞道今春雁南歸自廣州見花辭漲海避雪到羅浮
是物關兵氣何時免客愁年年霜露隔不過五湖秋

廣州

唐會要大曆二年嶺南節度使徐浩奏十一月二十五日當符懷集縣陽雁來乞編入史從之先是五嶺之外翔雁不削浩以為陽

為君德雁隨陽者臣歸君之象也史稱浩貪而妄公許蓋深譏之謝道運山居賦海鳥遠風朔禽避涼注朔禽雁也寒月轉往衡陽雁思道賦鴻雁序淮南子曰東歸鴈不違海昇也平子賦云南望衡陽雁鳴雁也地志衡山一陽峰極高雁不能過遇春北歸故名迴雁漲海謝承書交趾七郡貢獻皆從漲海出入

野望

前山句氣奈洞大三心連音先生

納納乾坤大行行郡國遙雲山兼五嶺風壤帶三苗
野樹侵江闊春蒲長雪消扁舟空老去無補聖明朝

五嶺

元和郡國志管懷帝分荊州湘中諸郡置湘州南以五嶺為限北以洞庭為界隋平陳改潭州取昭潭為名也裴淵廣州記五嶺云

大庾始安臨賀桂陽揭陽師古曰嶺者西自衡山三苗昔傳曰三苗之南東窮于海一山之限耳而別標名則有五焉彭蠡其國在南方水經注洞庭湖右岸有山世謂之苗島頭石在北右會翁湖口水上承翁湖左合洞浦所謂三苗之國左洞庭者也潭州圖經云三苗國之南境元和郡國志岳州古三苗之國也

入喬口長沙北界

漠漠舊京遠遲遲歸路賒殘年傍水國落日對春華
樹蜜早蜂亂江泥輕燕斜賈生骨已朽悵惻近長沙

樹蜜

古今注楓樹子一名樹蜜一名木饒實形拳曲核在背外味甚美如饒蜜

銅官渚守風

不亦夜楚帆落避風湘渚閒水耕先浸草春火更燒
山早泊雲物聯逆行波浪慳飛來雙白鶴過去杳難攀

銅官

水經注湘水右岸銅官浦出焉湘水又北逕銅官山西臨湘水山上紫色內含雲母故亦謂之雲母山也湘水又左合決湖口水出

西陂東通湘渚方輿勝覽銅官渚在寧鄉縣界三十里舊志楚鑄錢處

水耕

漢武詔江南之地火耕水耨應劭曰燒草下水種稻草與

稻俱生高七八寸因悉芟去復下水灌之草死稻獨長所謂火耕水耨也

北風

新康江口信宿方行

春生南國瘴氣待北風蘇向晚靈殘日初宵鼓大鑪
爽携卑濕地聲拔洞庭湖萬里魚龍伏三更鳥獸呼
滌除貪破浪愁絕付摧枯執熱沉沉在凌寒往往須
且知寬疾肺不敢恨危途再宿煩舟子衰容問僕夫
今晨非盛怒便道即長驅隱几看帆席雲山湧坐隅

新康

水經注潯水出益陽縣馬頭山東逕新陽縣南晉太康元年改曰新康

雙楓浦

輟棹青楓浦。雙楓舊已摧。自驚衰謝力。不道棟梁材。
浪足浮紗帽。皮須截錦苔。江邊地有主。暫借上天迴。

雙楓浦

方輿勝覽
在瀏陽縣

奉送王信州銓北歸

朝廷防盜賊。供給愍誅求。下詔選郎署。傳聲能與一作

州蒼生。今日困一作

天子嚮時憂。井屋有烟起。瘡痍無

血流。壤歌唯海甸。畫角自山樓。白髮寐常早。荒榛農

復秋。解龜踰卧轍。遣騎覓扁舟。徐榻不知一作

倦。潁川

何以酬塵生一作

彤管筆。寒臆黑貂裘。高義終焉在。斯

文去矣休。別離同雨散。行止各雲浮。林熱鳥開口。江

渾魚掉頭。尉佗雖北拜。太史尚南留。軍旅應都息。寰

區要盡收九重思諫諍人極念懷柔徙倚瞻王室從容仰廟謀故人持雅論絕塞豁窮愁復見陶唐理其爲汗漫遊

信州

梁大同三年於巴州郡理立信州唐武德元年改巴東郡爲信州二年又改信州爲夔州

尉佗

當是指崔旼

江閣卧病走筆寄呈崔盧兩侍御

客子庖厨薄江樓枕席清衰年病祇瘦長夏想爲情滑憶一作彫胡飯香聞錦帶羹溜匙兼煖腹誰欲致一作孟嬰

潭州送韋員外牧韶州

選

炎海韶州牧風流漢署郎分符先令望同舍有輝光白首多年疾秋天昨夜涼洞庭無過雁書疏莫相忘

韓文韋氏夫人墓誌銘其大王父迢以
都官郎為嶺南軍司馬卒贈同州刺史

潭州留別杜員外院長

韶州刺史韋迢

江畔長沙驛

一作潭

相逢纜客船大名詩獨步小郡海西

偏地濕愁飛鵬天炎畏站鳶去留俱失意把臂共潯
然

江閣對雨有懷行營裴二端公

南紀

一作極

風濤壯陰晴屢不分野流行地日江入度山

雲層閣憑雷殷長空水而

一作飛

文雨來銅柱北應

一作意

洗

伏波軍

早發湘潭寄杜員外院長

韋迢

北風昨夜雨江上早來涼楚岫千峰翠湘潭一葉黃

故人湖外客白首尚爲郎相憶無南雁何時有報章

酬韋韶州見寄

齊桓江湖外朝廷記憶疎深慚長者轍重得故人書
白髮絲難理並作新詩錦不如雖無南去雁看取北來魚

千秋節有感二首

自罷千秋節頻傷八月來先朝常宴會壯觀已塵埃
鳳紀編生日龍池墜劫灰湘川新涕淚秦樹遠樓臺
寶鏡羣臣得金吾萬國迴衢尊不重飲白首獨餘哀

千秋節

玄宗紀開元十七年八月癸亥上以降誕日宴百寮于花萼樓下百寮奏請每年八月五日爲千秋王公以下獻寶鏡及承露

囊天下諸州咸令宴樂休假三日仍編爲令唐實錄上手詔答曰卿等請爲今節上獻嘉名自我作古是爲美事依卿來請定付所司

御氣雲樓敞，含風綵仗高。仙人張內樂，王母獻宮桃。
羅襪紅蕖艷，金羈白雪毛。舞階銜壽酒，走索背秋毫。
聖主他年貴，邊心此日勞。桂江流向北，滿眼送波濤。

內樂

明皇雜錄玄宗夢仙于十餘輩卿卿雲而下各執樂器懸奏之度曲清越一仙人曰此神仙紫雲迴今傳授陛下為正始之音上覺

命玉笛習之盡得其曲

走索

西京賦跳丸劍之揮霍走索上而相逢

晚秋長沙蔡五侍御飲筵送殷六參軍歸澧州

觀省

佳士欣相識，慈顏望遠遊。其從投轄飲，肯作置書郵。
高鳥黃雲暮，寒蟬碧樹秋。湖南冬不雪，吾病得淹留。

湖中送敬十使君適廣陵

相見各頭白，其如離別何。幾年一會面，今日復悲歌。

少壯樂難得歲寒心匪他氣纏霜匣滿冰置玉壺多
遭亂實漂泊濟時曾琢磨形容吾校老膽力爾誰過
秋晚岳增翠風高湖湧波騫騰訪知已淮海莫蹉跎

長沙送李十一

銜

與子避地西康州洞庭相逢十二秋遠魏尚方曾賜
履竟非吾土倦登樓久存膠漆應難重一辱泥塗遂
晚收李杜齊名真忝竊朔雲寒菊倍離憂

西康州

西康州乃同谷縣武德元年以縣置西康州

李杜

西溪叢語後漢范滂母謂滂曰汝得與李杜齊名死亦何恨杜

詩李杜齊名正用此也按後漢黨錮傳杜密與李膺俱坐而各行相次故
時人亦稱李杜焉注云前有李固杜喬故言亦也杜詩正用此西溪所引
似是而實謬

重送劉十弟判官

分源豕韋派別浦雁賓秋年事推兄忝人才覺弟優
經過辨艷劒意氣逐吳鉤垂翅徒衰老先鞭不滯留
本枝凌歲晚高義豁窮愁他日臨江待長沙舊驛樓

豕韋

趙曰言劉杜同出也左傳范宣子曰在夏
為御龍氏在商為豕韋氏在周為唐杜氏

奉贈盧五丈參謀琚

時丈人使自江陵在長
沙待恩旨先支奉錢米

恭惟同自出妙選異高標入幕知孫楚披襟得鄭僑
丈人藉才地門閤冠雲霄老矣逢迎拙相於契託饒
賜錢傾府待爭米駐船遙鄰好艱難薄氓心杼軸焦
客星空伴使寒水不成潮素髮乾垂領銀章破在腰
說詩能累夜醉酒或連朝藻翰惟牽率湖山合動搖
時清非造次興盡却蕭條天子多恩澤蒼生轉寂寥

休傳鹿是馬莫信鵬如陳作鴟未解依依袂還斟泛泛
瓢流年疲蟋蟀體物幸鷦鷯刊作辜負滄洲願誰云晚
見招

自出

鶴曰公祖母盧氏即
所誌范陽太君者

登舟將適漢陽

春宅棄汝去秋帆催客歸庭疏尚在眼浦浪已吹衣
生理飄蕩拙有心遲暮違中原戎馬盛遠道素書稀
塞雁與時集橘鳥終歲飛鹿門自此往永息漢陰機

漢陽

元和郡國志武德四年分沔陽
郡于漢陽縣置沔州及漢陽縣
漢陰寰宇志漢陰城
在穀水縣北

暮秋將歸秦留別湖南幕府親友

水闊蒼梧野

陳作

天高白帝秋途窮那免哭身老不禁

愁大府才能會諸公德業優北歸衝雨雪誰一作俱憫弊
貂裘

送盧十四弟侍御護韋尚書靈輓歸上都二十
韻

素幕渡江遠朱幡登陸微悲鳴駟馬顧失涕萬人揮
參佐哭辭畢門闌誰送歸從公伏事久之子俊才稀
長路更執紼此心猶倒衣感恩義不小懷舊禮無違
墓待龍驤詔臺迎獬豸威深衷見士則雅論在兵機
戎狄乘妖氣塵沙落禁闈往年朝謁斷他日掃除非
但促一作整銅壺箭休添玉帳旂勸黃閣老肯慮白登
圍萬姓瘡痍合羣兇一作雄嗜慾肥剌規多諫諍端拱自

光輝儉約前王體風流後代希對歎期特達衰朽再
芳菲空裏愁書字山中疾采薇撥盃要忽罷抱被宿
何依眼冷看征蓋兒扶立釣磯清霜洞庭葉故就別
時飛

哭李常侍嶧二首

一代風流盡修文地下深斯人不重見將老失知音
短日行梅嶺寒山一作江落桂林長安若箇畔猶想映貂
金

青瑣陪雙入銅梁阻一辭風塵逢我地江漢哭君時
次第尋書札呼兒檢贈詩發揮王子表不媿史臣詞
哭韋大夫之晉

悽愴郇瑕色差池弱冠年丈一作人叨禮數文律早周
旋臺閣黃圖裏簪裾紫蓋邊尊榮真不忝端雅獨傷
然貢喜音容間馮招病疾纏南過駭倉卒北恩情聯
綿鵬鳥長沙諱犀牛蜀郡憐素車猶慟哭寶劍欲高
懸漢道中興盛韋經亞相傳冲融標世業磊落映時
賢城府深朱夏江湖眇霽天綺樓關一作馬樹頂飛旄汎
堂前帝幕疑風鷺笳簫急暮蟬興殘虛白室跡斷孝
廉船童孺交遊盡喧卑俗事牽老來多涕淚情在強
詩篇誰寄方隅理朝難將帥權春秋褒貶例名器重
雙全

郇瑕

水經注腰虞曰郇國在
解縣東郇瑕氏之墟也

舟中夜雪有懷盧十四侍御一作弟

朔風吹桂水

一作大

雪夜紛紛暗度南樓月寒深北渚

雲燭斜初近見舟重竟無聞不識山陰道聽雞更憶

君

對雪

北雪犯長沙回雲冷萬家隨風且間

一作開

葉帶雨不成

花金錯囊從

一作徒

罄銀壺酒易賒無人竭浮蟻有待至

昏鴉

何遜詩城陰度整
黑昏龍接翅歸

樓上

天地空搔首頻抽白玉簪皇興三極北身事五湖南

戀闕勞肝肺論

一作論

材媿杞梓亂離難自救終是老湘

澤

冬晚送長孫漸舍人歸州

參卿休坐幄，蕩子不還鄉。
南客瀟湘外，西戎鄠杜旁。
衰年傾蓋晚，費日繫舟長。
會面思來札，銷魂逐去樯。
雲晴鷗更舞，風逆雁無行。
匣裏雌雄劍，吹毛任選將。

大曆三年八月吐蕃寇靈州
鄠州九月又入寇京師戒嚴

暮冬送蘇四郎候兵曹適桂州

飄飄蘇季子，六印佩何遲。
早作諸侯客，兼工古體詩。
爾賢埋照久，余病長年悲。
盧綰須征日，樓蘭要斬時。
歲陽初盛動，王化久磷緇。
爲入蒼梧廟，看雲哭九疑。

盧綰

綰曰盧綰樓蘭蓋指大曆四年十二月桂州朱
泚時反客管經畧使王綰嚴之此當是其時作

風疾舟中伏枕書懷三十六韻奉呈湖南親友

軒轅休製律。虞舜罷彈琴。尚錯雄鳴管。猶傷半死心。

聖賢名古邈。羈旅病年侵。舟泊常依震。湖平早一作半見

參如聞馬融笛。若倚仲宣襟。故國悲寒望。羣雲慘歲

陰。水鄉霾白屋。楓岸疊青岑。鬱鬱冬炎瘴。濛濛雨滯

淫。鼓迎非一作祭鬼。彈落似鴉禽。興盡纔無悶。愁來遽不

禁。生涯相汨沒。時物自一作正蕭森。疑惑尊中弩。淹留冠

上簪。牽裾驚魏帝。投閣爲劉歆。狂走終奚適。微才謝

所欽。吾安藜不糝。女一作改貴玉爲琛。烏几重重縛。鵲衣

寸寸針。哀傷同庾信。述作異陳琳。十暑岷山葛。三霜

楚戶砧。叨陪錦帳座。久放白頭吟。反樸時難遇。忘機

陸易沉應過數粒食。得近四知金。春草封歸恨。源花
費獨尋。轉蓬憂悄悄。行藥病泔泔。瘞天追潘岳。持危
覓鄧林。蹉跎翻學步。感激在知音。却假蘇張舌。高誇
周宋鐔。納流迷浩汗。峻址得嶔岑。城府開清旭。松筠
一作起碧潏。披顏爭倩倩。逸足競驥驥。朗鑒存愚直。皇
天實照臨。公孫仍恃險。侯景未生擒。書信中原闊。干
戈北斗深。畏人千里井。問俗九州簾。戰血流依舊。軍
聲動至今。葛洪尸定解。許靖力還任。家事丹砂訣。無
成涕作霖。

首二句

吳若本注云伏義造歷神農作
琴舜彈五絃琴歌南風之篇有琴

雄鳴

律曆志謂十二蕭以應
鳳之鳴其雄鳴為六雌

鳴亦

半死

七發龍門之桐高百尺而
無枝其根則半死半生

仲宣襟

登樓賦憑軒望以遙
望兮向北風而開襟

尊中弩

風俗通應郡為汲令請主簿杜宣賜酒北壁上有懸赤弩照于

謂宣曰此弩形耳宣病遂瘳

率裾

辛毗諫文帝從冀州土家帝不答起入內毗隨而引其裾帝遂奮衣

不還良久乃出曰佐

數粒

鷦鷯食不過數粒

行藥

西溪叢語鮑昭行藥至城東

詩注云因病服藥行而宣導之杜詩行藥病瘳

瘞天

西征賦天赤子於新安坎路側而瘞

之黃鶴因瘞天一語疑為宗文之故年譜遂大書曰是年四月宗文卒則

妄矣滿州刺史樊晃叙杜工部小集云君有宗文宗武近知所在漂寓江

陵則宗文之亡實

周宋

莊子說劍篇周宋為彈

恃險

大曆三年崔寧既入朝楊子琳乘虛襲據成都府寧

弟寬攻破子琳收復成都四年子琳敗還瀘州招聚亡命得數千人沿江

東下聲言入朝擊王守仙子忠州救藥州別駕張忠據其城荆南節度使

千里井

王彥新詠劉勰妻王

衛伯玉欲結以為援以藥州許之為之

請於朝此詩公孫侯景皆指子琳也

氏詩千里不唾井况

乃昔所奉李太白平口將軍妻詩云古人不唾井莫忘昔纏綿李濟翁資

暇錄云諺云千里井不反唾蓋由南朝宋之計吏游劉馬草干公館井中

且自言相去千里豈當重來及其復至熱渴汲水遽飲不憶前所

棄草草結于喉而楚俗因相戒曰千里井不反割復詎為唾耳 **葛洪**

晉中興書葛洪上羅浮山中煉丹在山積年忽與廣州刺史鄧岳書云當

欲遠行岱得書狼狽而洪已亡顏色如平生體輕弱如空衣時咸以為神

仙許靖陳國袁徽寄寓交州與尚書令荀彧書曰許文休英才偉士智畧足以計事自洗名以來與羣士相隨每有患急常先人後已
與九族中外同其飢寒其紀綱同類仁
慈惻怛皆有敘事不能復一一陳之耳

奉贈蕭二十使君

昔在嚴公幕俱爲蜀使臣艱危參大府前後間清塵

嚴再領成都
余復參幕府

起草鳴先路果槎動要津王鳬聊暫出蕭雉

只相馴終始任安義荒蕪孟母鄰聯翩匍匐禮意氣

死生親

嚴公沒後老母在堂使君溫清之間甘脆之禮名數若已之庭闈焉太夫人頃逝喪事又首諸孫主與撫孤之情不勝其哀則膠漆

之笑可知矣

張老存家事嵇康有故人食恩慚鹵莽鏤骨抱

酸辛巢許山林志夔龍廊廟珍鵬圖仍矯翼熊軾且

移輪磊落衣冠地蒼茫土木身頃篋鳴自合金石瑩

逾新重憶羅江外同遊錦水濱結歡隨過隙懷舊益

霑巾曠絕舍香舍稽留伏枕辰停驂雙闕早迴雁五
湖春不達長卿病從來原憲貧監河受貸粟一起轍
中鱗

蕭雉

蕭廣濟孝子傳蕭之至孝除尚書郎有雉數十頭飲啄宿止當上直送至岐路下直入門飛鳴車側

張老

晉語趙文子冠

見張老而語之張老曰善矣物備矣志在子注張老晉大夫張孟

奉送二十三舅錄事之攝郴州

崔偉

賢良歸盛族吾舅盡知名徐庶高交友劉牢出外甥
泥塗豈珠玉環堵但柴荆衰老悲人世驅馳厭甲兵
氣春江上別淚血渭陽情舟鷁排風影林鳥反哺聲
永嘉多北至勾漏且南征必見公侯復終聞盜賊平
郴州賴京冷橘井尚淒清從役何蠻貊居官志在示

送魏二十四司直充嶺南掌選崔郎中判官兼

寄韋韶州

選曹分五嶺使者歷三湘才美膺推薦君行佐紀綱

佳聲斯一作期共一作不遠雅節在周防明白山濤鑒嫌疑陸

賈裝故人湖外少春日嶺南長憑報韶州牧新詩昨

寄一作夜將

選曹

唐會要上元三年勅桂廣交黔等州都督府所奏擬土人首領任官簡擇宜准舊制四年度差強明請正五品以上官充使選補仍

令御史同往注擬

三湘

寰宇記湘潭湘鄉湘源是為三湘

送趙十七明府之縣

連城為寶重茂宰得才新山雉迎舟楫江花報邑人

論交翻恨晚卧病却愁春惠愛南翁悅餘波及老身

燕子來舟中作

湖南爲客動經春。燕子銜泥兩度新。舊入故園常識主。如今社日遠看人。可憐處處巢君屋。作室何異飄飄。託此身。暫語船檣還起去。穿花落水。范德機云益霑巾。本作帖水。

同豆盧峰知字韻

貽主客李員外賢子非也

鍊金歐冶子。噴玉大宛兒。符彩高無敵。聰明達所爲。夢蘭他日應折桂。早年知爛漫。通經術。光芒刷羽儀。謝庭瞻不遠。潘省會於斯。唱和將雛曲。田翁號鹿皮。

歸雁二首

萬里衡陽雁。今年又北歸。雙雙瞻客上。一一背人飛。雲裏相呼疾。沙邊自宿稀。繫書元一作無浪語。愁寂故山。

薇

欲雪違□地。先花別楚雲。却過清渭影。高起洞庭羣。
塞北春陰暮。江南日色曛。傷弓流落羽。行斷不堪聞。

小寒食舟中作

佳辰強飯

飲

食猶寒。

隱几

裴元可

蕭條帶鵝冠。

春水

船如天。

上坐老年花。似霧中看娟娟。戲蝶過閑幔。片片輕鷗下。急湍雲白山。青萬餘里。愁看直北是長安。

清明二首

朝來新火起。新烟湖色春。光淨客船繡羽銜。花他自得紅顏騎竹我。無緣□童結束還難有。楚女腰肢亦可憐。不見定王城舊處。長懷賈傅井依然。虛靈焦舉

當作爲寒食實藉嚴君賣卜錢鐘鼎山林各天性濁醪
麴飯任吾年

賈傳井

盛弘之荊州記湘州南寺之東有賈誼宅宅之中有井井旁有石有局脚床可容一人坐形制甚古皆傳曰卽誼所坐水經注

湘州城內郡縣西面侃廟云舊是賈誼宅地中有一井是誼所鑿極小而深上斂下大其狀似壺傍有一脚石床綴容一人坐形流俗相承云誼宿所坐未又有大柑樹亦云誼所植也焦舉後漢書周舉遷并州刺史移書于子推書云春中寒食一月老少不堪今則三日而已

此身飄泊苦西東右臂偏枯半耳聾寂寂繫舟雙下

淚悠悠伏枕左書空十年蹴踘將雛遠萬里鞦韆習

俗同族雁上雲歸紫塞家人鑽火用青楓秦城樓閣

烟一作鶯花裏漢主山河錦繡中風水一作春春來洞庭闊白

蘋愁殺白頭翁

鞦韆

古今藝術圖鞦韆北方山戎之戲以習輕趨者或曰自齊桓公北伐山戎此戲始傳中國

發潭州

夜醉長沙酒，曉行湘水春。
岸花飛送客，檣燕語留人。
賈傅才未有，褚公書絕倫。
高名前後事，迴首一傷神。

褚永徽未
波北州

迴棹

宿昔試

作

安命，自私猶畏天。勞生繫一物，爲客費多

年。衡岳江湖大，蒸池疫癘散。才嬰薄

舊作

俗，有跡負

前賢。巾拂那關眼，瓶甕易滿船。火雲滋垢膩，凍雨裊

沉

作

綿。強飯萑漆滑，端居茗續煎。清思漢水上，涼憶

峴山巔。順浪翻堪倚，迴帆又省牽。吾家碑不昧，王氏

井依然。几杖將衰齒，茅茨寄短椽。灌園曾取適，遊寺

可終焉遂性同漁父成名一作功異魯連篙師煩爾送朱

夏及寒泉

蒸池

水經注承水出衡陽重安縣西邵陵縣界邪葛山東北流至重安縣逕舜廟下武水山鍾武縣西南表山東流至湘東臨湘縣北東

注戶湘謂之承口漢地理志承陽在承水之陽故名讀若蒸屬長沙國郡國志臨蒸縣俯臨蒸水其氣如蒸故曰臨蒸元和郡國志衡陽城東傍湘

江北肯

漢水峴山

元和郡國志峴山在襄陽縣東南九里山東臨漢水古今大路

家碑

南部新書杜預刻石

為二碑一沉萬山之下立峴山之上時人多使沉碑視首唐賢往往有之誤也當為沉碑萬山

贈韋七贊善

鄉里衣冠不乏賢杜陵韋曲未央前爾家最近勉三

象

斗魁下兩兩相比為三台

時論同歸

二云

尺五天

俚語云城南韋杜去天尺五

北走關山

一作河

開雨雪南遊花柳塞雲

一作風

烟洞庭春色悲公子蝦

菜忘歸范蠡船

洞庭 此謂楚之洞庭也陶朱中男殺人囚於楚張華曰陶朱公冢在南郡華容縣西故知非吳之洞庭也

奉酬寇十侍御錫見寄四韻復寄寇

往別郇瑕地于今四十年來簪御府筆故泊洞庭船

詩憶傷心處春深把臂前南瞻按百越黃州待君偏

黃帽 師古曰刺船之郎皆著黃帽因號曰黃頭郎也

杜員外兄垂示詩因作此寄上 郭 受

新詩海內流傳遍舊德朝中屬望勞郡邑地卑饒霧

雨江湖天闊足風濤松醪酒熟旁看醉蓮葉舟輕自

學操春興不知凡幾首衡陽紙價頓能高

唐詩紀事卷八 松醪 裴嗣傳詩酒名松醪春元化記有松花酒 紙價 吳若本注衡陽出武家紙又云出五

紙用

酬郭十五判官

才微歲老尚虛名，卧病江湖春復生。
藥裏關心詩總廢，花枝照眼句還成。
只同燕石能星隕，自得隋珠覺夜明。
喬口橘洲風浪促，繫帆何惜片時程。

花枝

吳曾漫錄梁武帝春歌曰：階上香入懷庭中花照眼。春心一如此情來，不自眼乃悟于美花枝照眼之句。

衡州送李大夫七丈勉赴廣州

斧鉞下青冥，樓船過洞庭。
北風隨爽氣，南斗避文星。
日月籠中鳥，乾坤水上萍。
王孫丈人行，垂老見飄零。

舊書：大曆四年，李勉除廣州。

刺史兼嶺南節度觀察使。

附錄

他集互見四首

哭長孫侍御

道爲謀

作諫詩

書重名因賦頌雄禮闈曾擢桂憲府舊

一作

乘騷流水生涯盡浮雲世事空唯餘舊臺柏蕭瑟

九原中

文苑辯証云杜誦哭長孫侍御詩今載杜甫集中按中興間氣集又玄集唐朱類詩皆云杜誦高仲武當唐中興肅宗時編開氣集載誦詩止此一首又云杜君詩平調不失如流水生涯盡浮雲世事空得生人始終之理故編之必不誤近下圖注杜詩亦載此篇雖云或以爲杜誦作然不明辯也

號國夫人

號國夫人承主恩平明上馬入宮門却嫌脂粉澹

顏色淡掃蛾眉朝至尊

見張祐集作集靈堂二首篇首唐人絕句亦作張祐楊妃外傳有詩三人皆顯貴頌修辭工于流淚每入宮中移步方出號國不施粧粉自街美艷常素面朝天當時杜甫有詩云云

軍中醉飲寄沈八劉叟

酒渴愛江清

一作

漱晚汀軟沙欹坐穩冷石醉眠

醒野膳隨行帳華音發從伶數盃君不見醉

一作都

已遣

沈冥

英華辨証其有可疑及當兩存者如暢當此詩及司空曙杜鵑行今並載
杜甫集潘淳詩話補遺唐顧陶集詩選二十卷載暢當軍中醉歌寄沈八
劉叟詩山谷項在蜀道見古石刻有唐人
請以老杜酒渴愛江清爲韻人各賦一詩

杜鵑行

見陳浩然本
亦見黃鶴本

古時杜宇稱望帝魂作杜鵑何微細跳枝窺葉樹木

中搶佯

英華
作翬

瞥振雌隨雄毛衣慘黑貌

一作

憔悴衆鳥安

肯相尊崇

英華
作醜

形不敢栖華屋短翮唯願巢深叢穿

皮啄朽觜欲秃苦饑始得食一蟲誰言養雛不自哺

此語亦足為愚蒙聲音咽咽如有謂英華作咽噦若有號

啼畧與嬰兒同口乾垂血轉迫促似欲英華作欲以上訴於

蒼穹蜀人聞之皆起立至今敦學傳遺風英華作相迺

知變化不可窮豈知昔日居深宮嬪嬙一作如左右如花

紅

文苑英華作司空曙注云又見杜甫集

吳若本逸詩七篇

聞惠三過東溪特一送

惠子白駒一作魚坡作駒瘦歸溪惟病身皇天無老眼空谷滯

斯人崖蜜松花熟一作白一作古山杯一作村竹葉新柴門了無

生一作事黃一作綺未稱臣

李祁蕭遠校書云陳恬叔易傳東坡記此詩云右一篇劉斯立得於管城人家冊子葉中題云工部員外詩集名甫字東甫其餘諸篇語多不同如故園桃李今搖落安得愁中却盡生也

草堂本右一篇見洪駒父詩話劉路

左車言嘗收得唐人雜篇詩冊有之

舟泛洞庭

一作過洞庭湖

蛟室圍青草龍堆擁

一作隱

白沙護江

一作堤

盤古木迎權舞

神鷗破浪南風正收颿

一作回橋一作歸舟

畏日斜雲山千萬疊

底處上仙槎

草堂作湖光與天遠直欲泛仙槎

右洪玉甫云有人得之江中石刻

王直方云此老杜過洞庭湖詩也潘淳云元豐

中有人得此詩刻于洞庭湖中不載名氏以示山谷山谷曰子美作也今蜀本已收入

李鹽鐵二首

後一首題云李鹽宅在第九卷中

落葉

一作落

春風起高城烟霧開雜花分戶映嬌燕入簷

回一見能傾產

一作座

虛懷只愛才鹽官雖絆驥名是漢

庭來

長吟

江渚翻鷗戲官橋帶柳陰江飛競渡日草見踏春

一作草堂

心已撥形骸累真爲爛熳深賦詩歌

一作草堂

句穩不免

一作覺

自長吟

絕句九首

前六首在十三卷中

聞道巴山裏春船正好行都將百年興一望九江城

草堂本云行船作還城越自山

水檻溫江口茅堂石笋西移船先主廟洗藥浣沙乾堂竹花

溪設一作道春來好狂風大放顛吹一作飛花隨水去翻却釣魚船

右謝克家任伯題云右五詩得盛文肅家故書中猶是吳越錢氏時人所傳格律高妙其爲少陵不

疑詩說雋永晁氏嘗於中書減線讀夾中得吳越人寫本社詩諱流字之類乃盛文肅故書也如日出籬東水等絕句六首乃九首其一云慢道春來好

草堂詩箋逸詩拾遺

瞿唐懷古見吳若本又見英華

西南萬壑注勅敵兩崖開地與山根裂江從月窟來

削成當白帝空曲隱陽臺疏鑿功雖美陶鈞力大哉

送司馬入京

見吳若本

羣盜至今日先朝泰從臣歎君能戀主久客羨歸秦
黃閣長司諫丹墀有故人向來論社稷爲話涕沾巾

惜別行送劉僕射判官

見陳浩然本又見英華

聞道南行市駿馬不限疋數軍

作官

中須襄陽幕府天

下與主將儉省憂艱虞祇收壯健勝鐵甲豈因格鬪
求龍駒而今西北自反國騏驎蕩盡一疋無龍媒真
種在帝都子孫永落西南隅向非戎事備征伐君肯
辛苦越江湖江湖凡馬多顛顛衣冠往往乘蹇驢梁
公富貴於身疎號令明白人安居俸錢時散士子盡

府庫不爲驕豪虛以茲報主寸心赤氣却西戎廻北

狄羅網羣馬籍一作馬籍馬多氣在一作用驅馳出金帛劉侯奉

使光推擇滔滔才畧滄溟窄杜陵老翁秋繫船扶病

相識長沙驛強梳白髮提胡盧手把一作兼菊花路旁摘

九州兵革浩茫茫三歎聚散臨重陽當杯對客忍流

涕一作涕淚君一作此字不覺老夫神內傷

呀鵲行

見陳浩然本又見英華

病鵲孤一作甲飛俗眼醜每夜江邊宿衰柳清秋落日英華

已側身過雁歸鷗錯廻首緊腦雄姿迷所向疎翻稀

毛不可狀強神迷復阜雕前俊才早在蒼鷹上風濤

颯颯寒山陰熊羆欲螫一作螫龍虵深念爾此時有一擲

失聲濺血非其心

狂

一作短

歌行贈四兄

見陳浩然本
又見英華

與兄行年校一歲賢者是兄愚者弟兄將富貴等浮
雲弟切功名好權勢長安秋雨十日泥我曹韞馬聽
晨雞公卿朱門未開鎖我曹已到肩相齊吾兄睡穩
方舒膝不襪不巾踏曉日男啼女哭莫我知身上須
繒腹中實今年思我來嘉州嘉州酒重一作香花繞一作滿樓
樓頭吃酒樓下卧長歌短詠一作歌還相酬四時八節還
拘禮女拜弟妻男拜弟幅巾繫帶不挂身頭脂足垢
何曾洗吾兄吾兄策許倫一生喜怒長任真日斜枕
肘寢已熟啾啾唧唧爲何人

浩然本作
何爲人

右五篇乃蘇州太守裴煜如晦所收見舊集補遺

逃難

見陳浩
然本

五十頭白翁南北逃世難疏布纏枯骨奔走苦不暖
已衰病方入四海一塗炭乾坤萬里內莫見容身
畔妻孥復隨我回首共悲歎故國莽丘墟鄰里各分
散歸路從此迷涕盡湘江岸

寄高適

楚隔乾坤遠難招病客魂詩名惟我共世事與誰論
北關更新主南星落故園定知相見日爛熳倒芳尊

送靈州李判官

國門腥四海回首一茫茫血戰乾坤赤氛迷日月黃

將軍專策略幕府盛材良近賀中興主神兵動朔方

與嚴二郎奉禮別

別君誰暖眼將老病纏身出涕同斜日臨風看去塵
商歌還入夜巴俗自爲鄰尚媿微軀在遙聞盛禮新
山東羣盜散闕下受降頻諸將歸應盡題書報旅人

奉禮

唐志太常寺奉禮二人

巴西驛亭觀江漲呈竇使君二首

轉驚波作怒卽恐岸隨流賴有盆中物還同海上鷗

關心小剡縣傍眼見揚州爲接情人飲朝來減半一作片

愁

向晚波微

一作稍

綠連空岸脚青日兼春有暮愁與醉無

醒漂泊猶杯酒躊躇此驛亭相看萬里外同是一浮萍

遣憂

亂離知又甚消息苦難真受諫無今日臨危憶古人

顧作傷故臣

紛紛乘白馬攘攘著黃巾隋氏留

顧作管

宮室焚燒

何太頻

受諫

謂代宗還京太常博士柳伉上疏切諫也

臨危

至德初上皇在蜀思九齡之先覺下詔褒贈遣使就韶州致祭尉談錄明

皇幸蜀妃子既死一日登高山望秦川謂高力士曰吾取張九齡言不至於此遣使祭之吹笛爲曲號謫仙怨公不斥言而曰古人其詞婉矣吳曾漫錄唐顧陶大中丙子歲編唐詩類選載此詩世所傳杜集皆無之

早花

西京安穩看不見一人來臘日一作月巴江曲山花已自

開盈盈當雪杏艷艷待春一作香梅直苦風塵暗誰憂容
一作客鬢催

巴山

巴山遇中使云自峽

一作峽

城來盜賊還奔突乘輿恐未

回天寒邵伯樹地闊望仙臺狼狽風塵裏羣臣安在哉

邵伯樹

海錄詩并棠注云棠杜也一名杜梨而小也召伯不飲勞民止舍于甘小棠樹之下而斷訟焉望仙臺三輔

黃圖望仙臺漢武帝所建在華州華陰縣

收京

復道收京邑兼聞殺囚國衣冠却扈從車駕已還宮
尅復成如此安危一作扶持在數公莫令回首地慟哭起悲

風

巴西聞收宮闕送班司馬入京

聞道收宗廟。鳴鑾自陝歸。傾都看黃屋。正殿引朱衣。
劍外春天遠。巴西勅使稀。念君經世亂。匹馬向王畿。

花底

紫萼扶千藥。黃鬚照萬花。忽疑行暮雨。何事入朝霞。
恐是潘安縣。堪留衛玠車。深知好顏色。莫作委泥沙。

柳邊

只道梅花發。那知柳亦新。枝枝總到地。藥藥自開春。
紫燕時鸞翼。黃鸝不露身。漢南應老盡。霸上遠愁人。

送竇九歸成都

文章亦不盡賣子才縱橫非爾更苦節何人符大名
讀書雲閣觀問絹錦官城我有浣花竹題詩須一行
贈裴南部聞袁判官自來欲有按問

塵滿萊蕪饒堂橫單父琴人皆知飲水公輩不偷金
梁獄書因上一作秦臺鏡欲臨獨醒時所嫉羣小謗能
深卽出黃沙在何須白髮侵使君傳舊德已見直繩
心

奉使崔都水翁下峽

無數涪江筏鳴橈總發時別離終不久宗族忍相違
白狗黃牛峽朝雲暮雨祠所過頻問訊到日自題詩
題鄴縣郭三十二明府茅屋壁

江頭且繫船爲爾獨相憐雲散濯壇雨春青彭澤田
頻驚適小國一擬問高天別後巴東路逢人問幾賢
遣悶戲呈路十九曹長

江浦雷聲喧昨夜春城雨色動微寒黃鸝並坐交愁
濕白鷺羣飛大剝乾晚節漸於詩律細誰家數去酒
盃寬惟吾最一作最愛清狂客百遍相看一作看意未闌

隨章留後新亭會送諸君

新亭有高會行子得良時日動映江幕風鳴排檻旗
絕筆終不改勸酒一作欲無詞已墮峴山淚因題零雨
詩

東津送韋諷攝閬州錄事

聞說江山好，憐君吏隱兼。
寵行舟遠汎，怯別酒頻添。
推薦非承乏，操持必去嫌。
他時如按縣，不得慢陶潛。

客舊館

句見出陳迹詞甚

陳迹隨人事，初秋別此亭。
重來梨葉赤，依舊竹林青。
風幔何_{前作}時卷，寒砧昨夜聲。
無由出江漢，愁緒_{作緒}月冥冥。

聞州奉送二十四舅使自京赴任青城

聞道王喬鳥，名因太史傳。
如何碧雞使，把詔紫微天。
秦嶺愁回馬，涪江醉泛船。
青城漫污雜，吾舅意凄然。

愁坐

高齋常見野，愁坐更臨門。
十月山寒重，孤城月水昏。

葭萌氏種迴左擔因一作存終日憂奔走歸期未敢論

葭萌

十道志曰利州益昌郡土地所屬與文州同春秋戰國時並屬蜀漢葭萌縣地華陽國志曰昔蜀王封其弟于漢中號曰葭萌命

其地曰

左擔

任豫益州記江由左擔道按圖在陰平縣北千餘里為西葭萌其道至險自北來者輦在左肩不得度擔也鄧艾求馬懸

車之處華陽國志康降賈子左擔七里

陪鄭公秋晚北池臨眺

北池雲水闊華館闢秋風獨鶴元依渚衰荷且映空
采菱寒刺上踏藕野泥中素戢分曹往金盤小運通
萋萋露草碧片片晚旗紅盃酒霑津吏衣裳與釣翁
異方初艷菊故里亦高桐搖落關山思淹留戰伐功
嚴城殊未掩清宴已知終何補參卿事一作參軍之歡娛到

薄躬

去蜀

五載客蜀郡一年居梓州如何關塞阻轉作瀟湘遊
世作萬事已黃髮殘生隨白鷗安危大臣在不一作何必淚
長流

放船

收帆下急水卷幔逐回灘江市戎戎曉山雲淅淅寒
村荒一作森無徑入獨鳥怪人看已泊城樓底何曾夜色
關

淅

吟上聲魚
吹水貌

哭台州鄭司戶蘇少監

故舊誰憐我。平生鄭與蘇。存亡不重見。喪亂獨前途。

豪俊何人

一作人誰

在。文章掃地無。羈遊萬里關。凶問一年

俱。白首中原上。

清秋大海隅。夜臺當北斗。泉路著東

吳。得罪台州去。

時危棄碩儒。

移官蓬閣後。

穀貴沒潛

夫。流慟嗟何及。

銜冤有是夫。

道消詩興廢。

心息酒爲

徒。許與才雖薄。

追隨跡未拘。

班揚名甚盛。

嵇阮逸相

須。會取君臣合。

寧銓品命殊。

賢良不必展。

廊廟偶然

趨。勝決風塵際。

功安造化鑪。

從容拘

一作拘

舊學。慘淡悶

陰符。擺落嫌疑久。

哀傷志力輸。

俗依綿谷異。

客對雪

山。孤童稚思諸子。

交朋列友于。

情乖清酒送。

望絕撫

墳呼瘧病

一作瘧

餐巴水。

瘡痍老蜀都。

飄零迷吳越。

天地

日榛蕪

右二十七篇朝奉大夫負安宇所收

送王侍御往東川放生池祖席

東川詩友合此贈怯輕爲况復傳宗近空然惜別離
梅花交近野草色向平池儻憶江邊卧歸期願早知

惠義寺送王少尹赴成都

得字

冉冉谷中寺娟娟林表峰闌干上處遠結構坐來重
騎馬行春經衣冠起晚鐘雲門青寂寂此別惜相從
右二篇見王原叔本

避地

避地歲時晚竄身筋骨勞詩書遂牆壁奴僕且旌旄

行在僅聞信此生隨所遭神堯舊天下會見出腥臊
右一篇見趙次翁本題云至德二載丁酉作

惠義寺園送辛員外

朱櫻此日垂朱實郭外誰家負郭田萬里相逢貪握手
手高才仰望足離筵

又送

雙峰寂寂對春臺萬竹青青照一作送客杯細草留連侵
坐軟殘花悵望近人開同舟昨日何由得並馬今朝
未擬迴直到綿州始分首江邊樹裏共誰來

右二篇見下園本

並見吳若本

薛南遺老詩話世所傳十注杜詩有曰新添者四十餘篇吾舅周君德卿嘗辨之云惟瞿唐懷古呀鵲行送劉僕射惜別行爲杜無疑其餘皆非真

本蓋後人依放而作欲竊盜以欺世者其中一二雖稍平易亦不免蹉跌至于逃難解憂送崔都水聞惠子過東溪巴西觀漲及呈寶使君等尤爲無狀吾舅自幻爲詩便祖工部嘗與余語及新添之詩則輒應曰人才之不同如其面焉耳目鼻口相去亦無幾矣然諸視之未有不差殊者詩至少陵他人豈得而亂之哉公之持論如此其中必有所深得者表而出之以俟明眼君子云

杜工部集卷之十八

嘗熟縣錢沅楚殷氏校